

28.03.26 н.ст. / 15.03.26 ст.ст.

# Суббóта 5-й седми́цы Велі́кого поста́. Суббóта Ака́фиста. Похвала́ Пресвято́й Богоро́дицы.

## ОГЛАВЛЕНИЕ

У́треня.....	2
Пе́рвый час .....	43
Тре́тий час.....	47
Шесто́й час.....	50
Божественная литурги́я святы́теля Иоáнна Златоу́стого: .....	54

Богослужебное последование размещено  
на сайте просветительского проекта

Последование Богослужений наряду <https://Последование.РФ>

Телеграм-канал сайта: <https://t.me/posledovanie>

Телеграм-чат сайта: <https://t.me/ChatPosledovanie>

Макс-канал сайта: <https://max.ru/posledovanie>

Группа сайта во ВКонтакте: <https://vk.com/posledovanie>

Поддержать проект: <https://Последование.РФ/donate>

☎: [2202 2011 1789 7005](tel:2202201117897005) | 📞: [5536 9137 5371 9885](tel:5536913753719885) | 📠: +7 912 174 7818

## УТРЕНЯ

**Иерей:** Благословен Бог наш всегда, ныне и присно, и во веки веков.

**Чтец:** Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

### ТРИСВЯТОЕ ПО ОТЧЕ НАШ:

**Чтец:** Святыи Боже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь.

Господи, помилуй. *(12 раз)*

Слава Отцу и Сыну и Святому Духу и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### ПСАЛОМ 19:

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востанем и исправимся. Господи, спаси царя и услыши ны, воньже аще день призовём Тя.

## ПСАЛОМ 20:

Господи, силою Твоею возвеселится царь и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дней во век века. Велия слава его спасением Твоим, славу и велеление возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их яко пещь огненную во время лица Твоего, Господь гневом Своим смятет я, и снесть их огонь. Плод их от земли погубиши, и семя их от сынов человеческих. Яко уклониша на Тя злая, помислиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоем и поем силы Твоя.

Слава Отцу и Сыну и Святому Духу и ныне и присно и во веки веков. **Аминь.**

### ТРИСВЯТОЕ ПО ОТЧЕ НАШ:

**Чтец:** Святыи Бже, Святыи Крепкий, Святыи Безсмертныи, помилуй нас. *(Трижды)*  
Слава Отцу и Сыну и Святому Духу и ныне и присно и во веки веков. **Аминь.**  
Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу и ныне и присно и во веки веков. **Аминь.**  
Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** **Аминь.**

### ТРОПАРИ:

**Чтец:** Спаси Господи люди Твоя, / и благослови достояние Твое, / победы на сопротивныя даруя, // и Твое сохраняя Крестом Твоим жительство.

**Слава Отцу и Сыну и Святому Духу.**

**Вознесыйся** на Крест волею,/ тезоименитому Твоему новому жителству/ щедроты Твоя даруй, Христэ Бóже,/ возвесели нас силою Твоею,/ победы дая нам на сопостаты,/ пособие имущим Твое оружие мира,// непобедимую победу.

**И ныне и присно и во веки веков. Аминь.**

**Предстательство** страшное и постыдное,/ не презри Благоя молитв наших, Всепетая Богородице,/ утверди православных жителство:/ спаси верныя люди Твоя, и подаждь им с небесé победу,// занé родилá еси́ Бóга, едина́ благословенная.

### МАЛАЯ СУГУБАЯ ЕКТЕНИЯ:

**Иерей:** Помилуй нас, Бóже, по велицей милости Твоей, молим Ти ся, услыши и помилуй.

**Хор:** Гóсподи, помилуй. *(Трижды, на каждое прошение)*

**Иерей:** **Ещё** молимся о Великом Господине и Отце́ нашем Святэйшем Патриархе Кирилле, и о Господине нашем Высокопреосвященнейшем митрополите **(или: архиепископе, или: Преосвященнейшем епископе) имярэк,** и всей во Христэ братии нашей.

**Ещё** молимся о богохранимем странé нашей, властэх и воинстве ея, да тихое и безмóлвное житиé проживём во всяком благочестии и чистотé.

**Ещё** молимся за всю братию и за вся христианы.

**Иерей:** **Яко** милостив и человеколюбец Бог еси́, и Тебé славу возсылаём, Отцу́ и Сыну и Святому́ Духу, ныне и присно и во веки веков.

**Хор:** Аминь. Именем Господним благослови́ отче.

**Иерей:** **Слава** Святэй и Единосущней и Животворящей и Нераздельней Троице, всегда, ныне и присно и во веки веков.

**Хор:** Аминь.

### ШЕСТОПСАЛМИЕ:

**Чтец:** **Слава** в вы́шних Бóгу, и на земли́ мир, в человецех благоволение. *(Трижды)*  
Гóсподи, устне́ мой отверзеши, и уста́ моя возвестят хвалу́ Твою. *(Дважды)*

### ПСАЛОМ 3:

Гóсподи, что ся умно́жиша стужа́ющи ми́? Мнози воста́ют на мя, мнози глаго́лют души́ моей: несть спасения́ ему́ в Бóзе его́. Ты же, Гóсподи, Засту́пник мой еси́, слава́ моя и вознося́й главу́ мою. Гла́сом моим ко Гóсподу воззва́х, и услы́ша мя от горы́ святы́я Своея́. Аз усну́х, и спях, воста́х, яко́ Господь заступит мя. Не убою́ся от тем людéй, окрест нападающих на мя. Воскресни́, Гóсподи, спаси́ мя, Бóже мой, яко́ Ты порази́л еси́ вся вражду́ющия ми́ всуе: зу́бы грешников сокруши́л еси́. Господне́ есть спасение́, и на лю́дех Твои́х благословение́ Твое́.

**Аз** усну́х, и спях, воста́х, яко́ Господь заступит мя.

### ПСАЛОМ 37:

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзоса во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоса главу мою, яко бремя тяжкое отяготеша на мне. Возсмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобю все желание мое и въздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мой и искреннии мой прямо мне приближишася и сташа, и ближнии мой отдалече мене сташа и нуждахуся ищущи душу мою, и ищущи злая мне глаголаху суетная и лстывным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепшася паче мене, и умножишася ненавидящии мя без правды. Воздающии ми злая възблагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

**Не остави мене, Господи Боже мой, не отступи от Мене. Вонми в помощь мою, Господи спасения моего.**

### ПСАЛОМ 62:

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мой похвалите Тя. Тако благословлю Тя в животе моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же всуе искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградшася уста глаголющих неправедная.

**На** утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

**Слава** Отцу и Сыну и Святому Духу и ныне и присно и во веки веков. **Аминь.**

**Аллилуиа, аллилуиа, аллилуиа, слава Тебе Боже. (Трижды)**

**Господи помилуй. (Трижды)**

**Слава** Отцу и Сыну и Святому Духу и ныне и присно и во веки веков. **Аминь.**

### **ПСАЛОМ 87:**

**Господи** Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси кому, и тии от руки Твоея отриновени быша. Положиша мя в рове преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отреси душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гнѣви Твои, устрашения Твоя возмутиша мя, обидоша мя яко вода, весь день одержаша мя вкупе. Удалил еси от мене друга и искреняго, и знаемых моих от страстей.

**Господи** Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему.

### **ПСАЛОМ 102:**

**Благослови,** душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твориай милостины Господь, и судьбу всем обидимым. Сказал пути Своя Моисею, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже в век враждует, не

по беззаконіем нашим сотворилъ есть нам, ниже по грехом нашим воздалъ есть нам. Яко по высотѣ небесней отъ земли, утвердилъ есть Господь милость Свою на боящихся Его. Елико отстоятъ востоцы отъ западъ, удалилъ есть отъ насъ беззаконія наша. Якоже щедритъ отецъ сыны, ущедри Господь боящихся Его. Яко Той позна создание наше, помяну, яко персть есмь. Человекъ, яко трава днѣе его, яко цветъ сѣльный, тако оцветѣтъ, яко духъ прѣиде въ немъ, и не будетъ, и не познаетъ ктому мѣста своего. Милость же Господня отъ вѣка и до вѣка на боящихся Его, и правда Его на сынѣхъ сыновъ, хранящихъ заветъ Его, и помнящихъ заповѣди Его творити я. Господь на Небесѣхъ уготова Престолъ Свой, и Царство Его всеми обладаетъ. Благословите Господа вси Ангели Его, сильнии крепостию, творящии слово Его, услышати гласъ словесъ Его. Благословите Господа вся Силы Его, слуги Его, творящии волю Его. Благословите Господа вся дела Его, на всякомъ мѣсте владычества Его, благослові, душе моя, Господа.

**На всякомъ мѣсте владычества Его, благослові, душе моя, Господа.**

#### **Псаломъ 142:**

**Господи, услыши молитву мою, внуши моление мое во истине Твоей, услыши мя въ правдѣ Твоей и не вниди въ судъ съ рабомъ Твоимъ, яко не оправдѣтся предъ Тобою всякъ живый. Яко погна врагъ душу мою, смирилъ есть въ землю животъ мой, посадилъ мя есть въ темныхъ, яко мертвыя вѣка. И уны во мнѣ духъ мой, во мнѣ смятеся сердце мое. Помянухъ дни древняя, поучихся во всехъ дѣлахъ Твоихъ, въ твореніихъ руку Твоею поучахся. Воздохъ къ Тебѣ рuce мой, душа моя, яко земля безводная Тебѣ. Скоро услыши мя, Господи, исчезе духъ мой, не отврати лица Твоего отъ мене, и уподоблюся низходящимъ въ ровъ. Слышану сотвори мнѣ заутра милость Твою, яко на Тя уповахъ. Скажи мнѣ, Господи, путь вонъже пойду, яко къ Тебѣ взяхъ душу мою. Изми мя отъ врагъ моихъ, Господи, къ Тебѣ прибегохъ. Научи мя творити волю Твою, яко Ты еси Богъ мой. Духъ Твой Благій наставитъ мя на землю праву. Имене Твоего ради, Господи, живиши мя, правдою Твоею изведеши отъ печали душу мою. И милостию Твоею потребиши враги моя и погубиши вся стужающія души моей, яко азъ рабъ Твой есмь.**

**Услыши мя, Господи, въ правдѣ Твоей и не вниди въ судъ съ рабомъ Твоимъ.**

**Услыши мя, Господи, въ правдѣ Твоей и не вниди въ судъ съ рабомъ Твоимъ.**

**Духъ Твой Благій наставитъ мя на землю праву.**

**Слава Отцу и Сыну и Святому Духу и нынѣ и присно и во вѣки вѣковъ. Аминь.**

**Аллилуиа, аллилуиа, аллилуиа, слава Тебѣ Божѣ. (Трижды)**

## ВЕЛИКАЯ ЕКТЕНИЯ:

**Диакон:** Мíром Гóсподу помóлимся.

**Хор:** Гóсподи, помíлуй. *(На каждое прошение)*

**Диакон:** О Свѣшнем мíре и спасѣнии душ наших, Гóсподу помóлимся.

О мíре всего мíра, благостоянии Святѣх Бóжиих Церквѣй и соединѣнии всех, Гóсподу помóлимся.

О святѣм храме сем и с вѣрою, благоговѣнием и страхом Бóжиим входящих в онь, Гóсподу помóлимся.

О великом Господíне и Отцѣ нашем Святѣйшем Патриárхе Кирилле, и о Господíне нашем, Высокопреосвященнейшем митрополíte **(или: архиепíскопе, или: Преосвященнейшем епíскопе) имярѣк**, честнѣм пресвѣтерстве, во Христѣ диако́нстве, о всем причте и людех, Гóсподу помóлимся.

О Богохранимѣй странѣ нашей, властѣх и во́инстве ея, Гóсподу помóлимся.

О граде сем **(или: О вѣси сей)**, всяком граде, странѣ и вѣрою живущих в них, Гóсподу помóлимся.

О благорастворѣнии воздѣхов, о изобíлии плодѣв земных и врѣменех мíрных, Гóсподу помóлимся.

О плавающих, путешѣствующих, недѣгующих, страждущих, пленѣнных и о спасѣнии их. Гóсподу помóлимся.

О избáвиться нам от всякия скóрби, гнѣва и нѣжды, Гóсподу помóлимся.

Заступí, спасí, помíлуй и сохрани нас, Бóже, Твоею благодáтию.

Пресвятую, Пречíстую, Преблагословѣнную, Слáвную Владѣчицу нашу Богорóдицу и Приснодѣву Марíю, со всеми святѣми помяну́вше, сáми себѣ и друг друга, и весь живѣт наш Христѣ Бóгу преда́дим.

**Хор:** Тебѣ, Гóсподи.

**Иерей:** Я́ко подобáет Тебѣ всякая слáва честь и поклонѣние, Отцѣ и Сѣ́ну и Святѣму Дѣ́ху, ны́не и прíсно и во вѣки вѣкѣв.

**Хор:** Амíнь.

## БОГ ГОСПО́ДЬ, ГЛАС 8:

**Диакон:** Бог Господь, и явíся нам, благословѣн Грядѣй во Ё́мя Господне.

**Стих 1:** Исповѣдайтесь Гóсподеви, я́ко благ, я́ко в век мíлость Егѣ.

**Хор:** Бог Господь, и явíся нам, благословѣн Грядѣй во Ё́мя Господне.

*(И далее на каждый стих)*

**Стих 2:** Обѣшѣдше обыдѣша мя, и Ё́менем Господним противля́хся им.

**Стих 3:** Не умру́, но жив бѣду, и повѣм дела Господня.

**Стих 4:** Ка́мень, Егѣже небрегѣша зíждущии, Сей бѣсть во главу́ угла, от Гóспода бѣсть Сей, и есть дíвен во очесѣх наших.

## ТРОПÁРЬ ПРАЗДНИКА БОГОРÓДИЦЫ (ТРИО́ДИ), ГЛАС 8:

**Хор:** Повелѣнное та́йно приѣм в рáзуме,/ в крѣве Ио́сифове тщáнием предстá Безплѣтный, глагѣля Неискусобра́чней:/ приклонíвый сходя́дением Небесá вмещáется неизмѣнно весь в Тя,/ Егѣже и вíдя в ложесна́х Твои́х приѣмша ра́бий зрак,/ ужасáюся звáти Тебѣ:// рáдуйся, Невѣсто Неневѣстная. *(Дважды)*

**Слáва Отцѣ и Сѣ́ну и Святѣму Дѣ́ху и ны́не и прíсно и во вѣки вѣкѣв. Амíнь.**

Повелѣнное та́йно приѣм в рáзуме,/ в крѣве Ио́сифове тщáнием предстá Безплѣтный, глагѣля Неискусобра́чней:/ приклонíвый сходя́дением Небесá вмещáется неизмѣнно весь в Тя,/ Егѣже и вíдя в ложесна́х Твои́х приѣмша ра́бий зрак,/ ужасáюся звáти Тебѣ:// рáдуйся, Невѣсто Неневѣстная.

**Хор:** Гóсподи помíлуй. *(Трижды)*

**Слáва Отцѣ и Сѣ́ну и Святѣму Дѣ́ху.**

**Чтец: И ныне и присно и во веки веков. Аминь.**

### **КАФИЗМА ШЕСТНАДЦАТАЯ:**

#### **ПСАЛОМ 109**

**Рече** Господь Господеви моему: седи одесную Мене, дондеже положу враги Твоя подножие ног Твоих. Жезл силы пошлет ти Господь от Сиона, и господствуй посреде врагов Твоих. С Тобою начало в день силы Твоея, во светлостех святых Твоих, из чрева прежде денницы роди Тебя. Клянутся Господь и не раскается: Ты иереи во век, по чину Мелхиседекову. Господь одесную Тебе сокрушил есть в день гнева Своего царя. Судит во языцех, исполнит падения, сокрушит главы на земли многих. От потока на пути пьет, сего ради вознесет главу.

#### **ПСАЛОМ 110:**

**Исповемся** Тебе, Господи, всем сердцем моим в совете правых и сонме. Велия дела Господня, изыскана во всех волях Его. Исповедание и великолепие дело Его и правда Его пребывает в век века. Память сотворил есть чудес Своих, Милостив и Щедр Господь. Пищу даде боящимся Его, помянет в век завет Свой. Крепость дел Своих возвестит людем Своим, дати им достойные язык. Дела рук Его истина и суд, верны вся заповеди Его, утвержены в век века, сотворены во истине и правоте. Избавление послал людем Своим: заповеда в век завет Свой. Свято и страшно имя Его. Начало премудрости страх Господень, разум же благ всем творящим и. Хвала Его пребывает в век века.

#### **ПСАЛОМ 111:**

**Блажен** муж, бойся Господа, в заповедех Его восхощет зело. Сильно на земли будет семя его, род правых благословится: слава и богатство в дому его, и правда его пребывает в век века. Возсия во тме свет правым, милостив и щедр, и праведен. Благ муж, щедр и даж: устроит словеса своя на суде, яко в век не подвижится. В память вечную будет праведник. От слуха зла не убоится, готово сердце его уповати на Господа. Утвердися сердце его, не убоится, дондеже воззрит на враги своя. Расточи, даде убогим, правда его пребывает во век века, рог его вознесется в славе. Грешник узрит и прогневаается, зубы своими поскрежет и растает, желание грешника погибнет.

**Чтец: Слава Отцу и Сыну и Святому Духу.**

**Хор: И ныне и присно и во веки веков. Аминь.**

**Аллилуиа, аллилуиа, аллилуиа, слава Тебе Боже. (Трижды)**

**Господи, помилуй. (Трижды)**

**Слава Отцу и Сыну и Святому Духу.**

**Чтец:** **И ныне и присно и во веки веков. Аминь.**

**Псалом 112:**

**Х**валите, отроцы, Господа, хвалите имя Господне. Буди имя Господне благословенно отныне и до века. От восток солнца до запад хвалю имя Господне. Высок над всеми языки Господь: над небесы слава Его. Кто яко Господь Бог наш? На высоких живый и на смиренные призираяй на небесы и на земли, воздвизаяй от земли нища и от гноища возвышаяй убога, посадити его с князи, с князи людей своих, вселяя неплодовь в дом матерь о чадех веселящуся.

**Псалом 113:**

**В**о исходе Израилеве от Египта, дому Иаковля из людей варвар, бысть Иудея святыня Его, Израиль область Его. Море виде и побеже, Иордан возвратися вспять, горы разыграшася, яко овны, и холмы, яко агнцы овчии. Что ти есть, море, яко побегло еси? И тебе, Иордане, яко возвратился еси вспять? Горы, яко разыграстеся, яко овны, и холмы, яко агнцы овчии? От лица Господня подвижется земля, от лица Бога Иаковля, обращшаго камень во езера водная и несекомый во источники водныя. Не нам, Господи, не нам, но имени Твоему даждь славу, о милости Твоей и истине Твоей. Да не когда рекут языцы: где есть Бог их? Бог же наш на небесы и на земли, вся елика восхотел, сотвори. Идоли язык сребро и злато, дела рук человеческих. Уста имут, и не возглаголют, очи имут и не узрят, уши имут, и не услышат, ноздри имут, и не обоняют, рuce имут, и не осяжут, нозе имут, и не пойдут, не возгласят гортанем своим. Подобни им да будут творящии я, и вси надеющиеся на ня. Дом Израилев упова на Господа: Помощник и Защититель им есть. Дом Аарон упова на Господа: Помощник и Защититель им есть. Боящиеся Господа уповаша на Господа: Помощник и Защититель им есть. Господь помянув ны благословил есть нас, благословил есть дом Израилев, благословил есть дом Аарон, благословил есть боящиеся Господа, малыя с великими. Да приложит Господь на вы, на вы и на сыны ваша. Благословени вы Господеви, сотворшему небо и землю. Небо небес Господеви, землю же даде сыновом человеческим. Не мертвии восхвалят Тя, Господи, ниже вси низходящии во ад, но мы, живии, благословим Господа отныне и до века.

**Псалом 114:**

**В**озлюбих, яко услышит Господь глас моления моего, яко приклоню ухо Своё мне, и во дни моя призову. Объяша мя болезни смертныя, беды адовы обретоша мя, скорбь и болезнь обретох, и имя Господне призвах: о, Господи, избави душу мою. Милостив Господь и Праведен, и Бог наш милует. Храняй младенцы Гос-

пóдь: смири́хся, и спасе́ мя. Обрати́ся, душе́ моя, в поко́й твой, я́ко Госпо́дь благоде́йствова тя. Я́ко изъя́т ду́шу мою́ от сме́рти, о́чи мой от слез и но́зе мой от по-ползнове́ния. Благоугожду́ пред Го́сподем во странé живы́х.

**Чтец:** **Сла́ва Отцу́ и Сы́ну и Свято́му Ду́ху.**

**Хор:** **И ны́не и прѣсно и во ве́ки веко́в. Ами́нь.**

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Го́споди, помѣлуй. *(Трижды)*

**Сла́ва Отцу́ и Сы́ну и Свято́му Ду́ху.**

**Чтец:** **И ны́не и прѣсно и во ве́ки веко́в. Ами́нь.**

#### Псалом 115:

Вѣровах, те́мже возглаго́лах, аз же смири́хся зело́. Аз же рех во изступле́нии моём: всяк челове́к ложь. Что возда́м Го́сподеви о всех, я́же воздаде́ ми? Ча́шу спасе́ния прииму́ и и́мя Госпо́дне призову́, моли́твы моя́ Го́сподеви возда́м пред все́ми людьми́ Его́. Честна́ пред Го́сподем смерть преподо́бных Его́. О, Го́споди, аз раб Твой, аз раб Твой и сын рабы́ни Твоея́; растерза́л еси́ у́зы моя́. Тебе́ пожру́ же́ртву хвалы́, и во и́мя Госпо́дне призову́. Моли́твы моя́ Го́сподеви возда́м пред все́ми людьми́ Его́, во двóрех до́му Госпо́дня, посреде́ тебе́, Иерусали́ме.

#### Псалом 116:

Хвали́те Го́спода вси язы́цы, похвали́те Его́ вси лю́дие, я́ко утверди́ся ми́лость Его́ на нас, и и́стина Госпо́дня пребыва́ет во век.

#### Псалом 117:

Испове́дайтесь Го́сподеви, я́ко Благ, я́ко в век ми́лость Его́. Да рече́т у́бо дом Изра́илев: я́ко Благ, я́ко в век ми́лость Его́. Да рече́т у́бо дом Ааро́нь: я́ко Благ, я́ко в век ми́лость Его́. Да реку́т у́бо вси бо́ящиися Го́спода: я́ко Благ, я́ко в век ми́лость Его́. От ско́рби призва́х Го́спода, и услы́ша мя в про-странство. Госпо́дь мне Помо́щник, и не убою́ся, что сотвори́т мне челове́к. Госпо́дь мне Помо́щник, и аз воззрю́ на враги́ моя́. Благо́ есть наде́яться на Го́спода, не́жели наде́яться на челове́ка. Благо́ есть упова́ти на Го́спода, не́жели упова́ти на кня́зи. Вси язы́цы обыдо́ша мя, и и́менем Госпо́дним противля́хся им, обыше́дше обыдо́ша мя, и и́менем Госпо́дним противля́хся им, обыдо́ша мя, я́ко пчѣлы сот, и разгоре́шася, я́ко огонь в те́рнии, и и́менем Госпо́дним противля́хся им. Отринове́н преврати́хся па́сти, и Госпо́дь прия́т мя. Кре́пость моя́ и пе́ние моё́ Госпо́дь, и бысть ми во спасе́ние. Глас ра́дости и спасе́ния в селѣниих пра́ведных: десни́ца Госпо́дня сотвори́ си́лу. Десни́ца

Господня вознесё мя, десница Господня сотвори силу. Не умру, но жив буду, и повём дела Господня. Наказуя наказá мя Господь, смёрти же не предаде мя. Отвёрзите мне врата правды, вшед в ня исповёмся Господеви. Сия врата Господня, праведнии внидут в ня. Исповёмся Тебё, яко услышал мя еси, и был еси мне во спасение. Камень, егже небрегоша зиждущии, сей бысть во главу угла: от Господа бысть сей, и есть дивен во очесех наших. Сей день, егже сотвори Господь, возрадуемся и возвеселимся в оны. О, Господи, спаси же, о Господи, поспеши же. Благословен грядый во имя Господне, благословихом вы из дому Господня. Бог Господь, и явися нам: составите праздник во учающих до рог олтаревых. Бог мой еси Ты, и исповёмся Тебё, Бог мой еси Ты, и вознесу Тя. Исповёмся Тебё, яко услышал мя еси, и был еси мне во спасение. Исповедайтесь Господеви, яко Благ, яко в век милость Его.

**Чтец:** Слава Отцу и Сыну и Святому Духу и ныне и присно и во веки веков. **Аминь.**  
**Аллилуиа, аллилуиа, аллилуиа, слава Тебё Боже. (Трижды)**

#### ЕКТЕНИЯ МАЛАЯ:

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебё, Господи.

**Иерей:** Яко Твоя держава и Твое есть Царство и сила и слава, Отца и Сына и Святаго Духа, ныне и присно и во веки веков.

**Хор:** Аминь.

#### АКАФИСТ ПРЕСВЯТОЙ БОГОРОДИЦЕ:

##### ПЕРВАЯ СТАТИЯ:

##### Кондак 1, глас 8:

**Хор:** Взбранной Воеводе победительная, / яко избавльшися от злых, / благодарственная восписуем Ти, раби Твой, Богородице, / но, яко имущая державу непобедимую, / от всяких нас бед свободи, да зовём Ти: // радуйся, Невесто Неневестная.

##### Икос 1:

Ангел предстатель с небес послан бысть рещи Богородице: радуйся! и со безплотным гласом воплощаема Тя зря, Господи, ужасашеся и стояше, зовый к Ней таковая:

Радуйся, Еюже радость возсияет;

радуйся, Еюже клятва изчезнет.

**Р**áдуйся, пáдшаго Ада́ма воззва́ние;  
**р**áдуйся, слез Ёвиных избавлѣние.  
**Р**áдуйся, высотó неудобовосходима́я челове́ческими по́мыслы;  
**р**áдуйся, глубино́ неудобозрима́я и а́нгельскими очима́.  
**Р**áдуйся, я́ко еси́ Царе́во седа́лище;  
**р**áдуйся, я́ко но́сиши Нося́щаго вся.  
**Р**áдуйся, звездó, явля́ющая Со́лнце;  
**р**áдуйся, утробó Божѣственнаго воплоще́ния.  
**Р**áдуйся, Ёюже обновля́ется тварь;  
**р**áдуйся, Ёюже покланя́емся Творцу́.  
**Р**áдуйся, Невѣсто// Неневѣстная.

**Конда́к 2:**

**В**идящи Святáя Себе́ в чистотѣ, глаго́лет Гаври́лу дерзостно: пресла́вное твоего́ гла́са неудобоприятельно ду́ши Моёй явля́ется: безсе́меннаго бо за́чатия рождество́ ка́ко глаго́леши, зовы́й: **А**ллилу́иа.

**Йкос 2:**

**Р**áзум недоразумева́емый разумѣти Дѣва́ ищущи, возопи́ к служа́щему: из боку́ чисту, Сы́ну ка́ко есть роди́тися мо́щно, рцы Ми? К Нейже он рече́ со стра́хом, о́баче зовы́й си́це:

**Р**áдуйся, сове́та неизрече́ннаго тайннице;  
**р**áдуйся, молча́ния прося́щих ве́ро.  
**Р**áдуйся, чудѣс Христо́вых нача́ло;  
**р**áдуйся, велѣний Егó главизно.  
**Р**áдуйся, ле́стнице небѣсная, Ёюже снѣде Бог;  
**р**áдуйся, мо́сте, преводя́й су́щих от земли́ на не́бо.  
**Р**áдуйся, А́нгелов многослову́щее чу́до;  
**р**áдуйся, бесóв многоплаче́вный стру́пе.  
**Р**áдуйся, Свет неизрече́нно роди́вшая;  
**р**áдуйся, е́же ка́ко, ни еди́наго же научи́вшая.  
**Р**áдуйся, премудрых превосходя́щая ра́зум;  
**р**áдуйся, ве́рных озаря́ющая смы́слы.  
**Р**áдуйся, Невѣсто// Неневѣстная.

**Конда́к 3:**

**С**и́ла Вѣшняго осени́ тогда́ к за́чатию Брако́неиску́сную, и благопло́дная То́я ложесна́, я́ко село́ показá сладкое, всем хотя́щим жа́ти спасѣние, всегда́ пе́ти си́це: **А**ллилу́иа.

**Икос 3:**

Имущи Богоприятную Дева утробу, востече ко Елисавети; младенец же оная абие познав Сея целование, радовашеся, и играемыми яко песнями вопияше к Богородице:

**Р**адуйся, отрасли неувядаемая розго;  
**р**адуйся, Плода безсмертнаго стяжание.  
**Р**адуйся, Делателя делающая человеколюбца;  
**р**адуйся, Садителя жизни нашае рождающая.  
**Р**адуйся, ниво, растящая гобзование щедрот;  
**р**адуйся, трапезо, носящая обилие очищений.  
**Р**адуйся, яко рай пищный процветаеши;  
**р**адуйся, яко пристанище душам готовиши.  
**Р**адуйся, приятное молитвы кадило;  
**р**адуйся, всего мира очищение.  
**Р**адуйся, Божие к смертным благоволение;  
**р**адуйся, смертных к Богу дерзновение.  
**Р**адуйся, Невесто// Невестная.

**Кондак 4:**

Бурю внутрь имея помышлений сумнительных, целомудренный Иосиф смятеса, к Тебе зря небрачней, и бракоокрадованную помышляя, Непорочная; уведев же Твое зачатие от Духа Свята, рече: Аллилуиа.

**И ХОР СНОВА ПОЕТ ПЕРВЫЙ КОНДАК, ГЛАС 8:**

Взбранной Воеводе победительная,/ яко избавльшися от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Невестная.

**Хор:**      **Г**осподи помилуй. *(Трижды)*  
**С**лава Отцу и Сыну и Святому Духу.

**Чтец:**    **И** ныне и присно и во веки веков. **А**минь.

**КАФИЗМА СЕМНАДЦАТАЯ:**

**ПСАЛОМ 118, ПЕРВАЯ СТАТИЯ:**

**Чтец:**    **Б**лажени непорочнии в путь, ходящи в законе Господни. Блажени испытующии свидения Его, всем сердцем взыщут Его, не делающие бо беззакония, в путех Его ходиша. Ты заповедал еси заповеди Твоя сохранить зело. Дабы исправилися путие мой, сохранить оправдания Твоя. Тогда не постыжуся, внегда призрети ми на вся заповеди Твоя. Исповемся Тебе в правости

сёрдца, внигда научити ми ся судьбам правды Твоея. Опредания Твоя сохранию, не остави мене до зела. В чesом исправиит юнейший путь свой; внигда сохранити словеса Твоя. Всем сёрдцем моим взысках Тебе, не отрини мене от заповедей Твоих. В сёрдце моём скрых словеса Твоя, яко да не согрешу Тебе. Благословен еси, Господи: научи мя оправданием Твоим. Устнама моима возвестих вся судьбы уст Твоих. На пути свидений Твоих насладихся, яко о всяком богатстве. В заповедех Твоих поглумлюся, и уразумю пути Твоя. Во оправданиях Твоих поучуся, не забуду словес Твоих. Воздаждь рабу Твоему: живи мя, и сохранию словеса Твоя. Открой очи мой, и уразумю чудеса от закона Твоего. Пришлец аз есмь на земли: не скрой от мене заповеди Твоя. Возлюби душа моя возжелати судьбы Твоя на всякое время. Запретил еси гордым: прокляти уклоняющиеся от заповедей Твоих. Отими от мене понос и унижение, яко свидений Твоих взысках. Ибо седоша князи, и на мя клеветашу, раб же Твой глумляшеся во оправданиях Твоих: Ибо свидения Твоя поучение мое есть, и совети мой оправдания Твоя. Прильпе земли душа моя: живи мя по словеси Твоему. Пути моя возвестих, и услышал мя еси: научи мя оправданием Твоим: Путь оправданий Твоих вразуми ми, и поглумлюся в чудесах Твоих. Воздрема душа моя от уныния: утверди мя в словесах Твоих. Путь неправды остави от мене, и законом Твоим помилуй мя. Путь истины изболех, и судьбы Твоя не забых. Прилепихся свидением Твоим, Господи, не посрами мене. Путь заповедей Твоих текох, егда расширил еси сёрдце мое. Законоположи мне, Господи, путь оправданий Твоих, и взыщу и вину: Вразуми мя, и испытаю закон Твой, и сохранию и всем сёрдцем моим. Настави мя на стезю заповедей Твоих, яко тую восхотех. Приклони сёрдце мое во свидения Твоя, а не в лихоимство. Отврати очи мой, еже не видети суеты, в пути Твоем живи мя. Постави рабу Твоему слово Твое в страх Твой. Отими поношение мое, еже непщевах: яко судьбы Твоя благи. Се возжелал заповеди Твоя, в правде Твоей живи мя. И да придет на мя милость Твоя, Господи, спасение Твое по словеси Твоему. И отвечаю поношающим ми слово: яко уповах на словеса Твоя. И не отими от уст моих словеса истинна до зела, яко на судьбы Твоя уповах. И сохранию закон Твой вину, в век и в век века. И хождях в широте, яко заповеди Твоя взысках. И глаголах о свидениях Твоих пред царя, и не стыдяхся: И поучахся в заповедех Твоих, яже возлюбих зело: И воздвигох руке мой к заповедем Твоим, яже возлюбих, и глумляхся во оправданиях Твоих. Помяни словеса Твоя рабу Твоему, ихже упование дал ми еси. То мя утеши во смирении

моём, яко слово Твое живи мя. Горди законопреступоваху до зела: от закона же Твоего не уклонихся. Помянух судьбы Твоя от века, Господи, и утешихся. Печаль прият мя от грешник, оставляющих закон Твой. Пета бяху мне оправдания Твоя, на месте пришельствия моего. Помянух в нощи Имя Твое, Господи, и сохраних закон Твой. Сей бысть мне, яко оправданий Твоих взысках. Часть моя еси, Господи, рех сохранити закон Твой. Помолихся лицу Твоему всем сердцем моим: помилуй мя по словеси Твоему. Помыслих пути Твоя, и возвратих нозе мой во свидения Твоя. Уготовихся и не смутихся сохранити заповеди Твоя. Ужя грешник обязашася мне, и закона Твоего не забых. Полунощи востах исповедатися Тебе о судьбах правды Твоея. Причастник аз есмь всем боящимся Тебе, и хранящим заповеди Твоя. Милости Твоея, Господи, исполнь земля: оправданием Твоим научи мя. Благодать сотворил еси с рабом Твоим, Господи, по словеси Твоему. Благодати, и наказания и разуму научи мя, яко заповедем Твоим веровах. Прже даже не смирити ми ся, аз прегрехих: сего ради слово Твое сохраних. Благ еси Ты, Господи, и благодатию Твоею научи мя оправданием Твоим. Умножися на мя неправда гордых, аз же всем сердцем моим испытая заповеди Твоя. Усырися яко млеко сердце их, аз же закону Твоему поучихся. Благо мне, яко смирил мя еси, яко да научуся оправданием Твоим. Благ мне закон уст Твоих, паче тысящ злата и сребра.

**Чтец:** **Слава Отцу и Сыну и Святому Духу.**

**Хор:** **И ныне и присно и во веки веков. Аминь.**

*Аллилуиа, аллилуиа, аллилуиа, слава Тебе Боже. (Трижды)*

*Господи, помилуй. (Трижды)*

**Слава Отцу и Сыну и Святому Духу.**

**Чтец:** **И ныне и присно и во веки веков. Аминь.**

**ПСАЛОМ 118, ВТОРАЯ СТАТИЯ:**

Руце Твой сотвориште мя, и создасте мя: вразуми мя, и научуся заповедем Твоим. Боящиеся Тебе узрят мя и возвеселятся, яко на словеса Твоя уповах. Разумех Господи, яко правда судьбы Твоя, и воистинну смирил мя еси. Буди же милость Твоя, да утешит мя по словеси Твоему рабу Твоему. Да придут мне щедроты Твоя, и жив буду, яко закон Твой поучение мое есть. Да постыдятся горди, яко неправедно беззаконноваша на мя, аз же поглумлюся в заповедех Твоих. Да обратят мя боящиеся Тебе, и ведящие свидения Твоя. Буди сердце мое непорочно во оправданиях Твоих, яко да не постыжуся. Исчезает во спа-

сѣние Твое душа моя, на словеса Твоя уповах. Исчезоша очи мой в слово Твое, глаголюще: когда утешиши мя? Зане бых яко мех на слане: оправданий Твоих не забых. Колико есть дней раба Твоего? когда сотвориши ми от гонящих мя суд? Повѣдаша мне законопреступницы глумления, но не яко закон Твой, Господи. Вся заповеди Твоя истина: неправедно погнаша мя, помози ми. Вмале не скончаша мене на земли: аз же не оставих заповедей Твоих. По милости Твоей живи мя, и сохраню свидения уст Твоих. Во век, Господи, слово Твое пребывает на Небеси. В род и род истина Твоя. Основал еси землю, и пребывает. Учинением Твоим пребывает день, яко всяческая работна Тебе. Яко аще бы не закон Твой поучение мое было, тогда убо погиб бых во смирении моем. Во век не забуду оправданий Твоих, яко в них оживил мя еси. Твой есмь аз, спаси мя, яко оправданий Твоих взысках. Мене ждаша грешницы погубити мя, свидения Твоя разумех. Всякия кончины видех конец, широка заповедь Твоя зело. Коль возлюбих закон Твой, Господи, весь день поучение мое есть. Паче враг моих умудрил мя еси заповедию Твоею, яко в век моя есть. Паче всех учащих мя разумех, яко свидения Твоя поучение мое есть. Паче старец разумех, яко заповеди Твоя взысках. От всякаго пути лукава возбраних ногам моим, яко да сохраню словеса Твоя. От судьб Твоих не уклонихся, яко Ты законоположил ми еси. Коль сладка гортани моему словеса Твоя, паче меда устом моим. От заповедей Твоих разумех, сего ради возненавидех всяк путь неправды. Светильник ногам моим закон Твой, и свет стезям моим. Кляхся и поставих сохранити судьбы правды Твоея. Смирися до зела, Господи, живи мя по словеси Твоему. Вольная уст моих благоволи же, Господи, и судьбам Твоим научи мя. Душа моя в руку Твоею вину, и закона Твоего не забых. Положиша грешницы сеть мне, и от заповедей Твоих не заблудих. Наследовах свидения Твоя во век, яко радование сердца моего суть. Приклоних сердце мое сотворити оправдания Твоя в век за воздаяние. Законопреступныя возненавидех, закон же Твой возлюбих. Помощник мой и Заступник мой еси Ты, на словеса Твоя уповах. Уклонитесь от мене лукавнующии, и испытаю заповеди Бога моего. Заступи мя по словеси Твоему, и жив буду, и не посрами мене от чаяния моего. Помози ми, и спасуся, и поучуся во оправданиях Твоих вину. Уничжил еси вся отступающия от оправданий Твоих, яко неправедно помышление их. Преступающия непщевах вся грешныя земли, сего ради возлюбих свидения Твоя. Пригвозди страху Твоему плоти моя, от судьб бо Твоих убояхся. Сотворих суд и правду, не предаждь мене обидящим мя. Восприими раба Твоего во благо, да не оклеветают мене гордии. Очи мой исчезосте во спасение Твое, и в

слово правды Твоея. Сотвори с рабом Твоим по милости Твоей, и оправданием Твоим научи мя. Раб Твой есмь аз: вразуми мя, и увем свидения Твоя. Время сотворити Господеви: разориша закон Твой. Сего ради возлюбих заповеди Твоя паче злата и топазия. Сего ради ко всем заповедем Твоим направляхся, всяк путь неправды возненавидех. Дивна свидения Твоя, сего ради испытала душа моя. Явление словес Твоих просвещает и вразумляет младенцы. Уста моя отверзых, и привлечох дух, яко заповедей Твоих желал.

**Чтец:** **Слава Отцу и Сыну и Святому Духу.**

**Хор:** **И ныне и присно и во веки веков. Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

**Слава Отцу и Сыну и Святому Духу.**

**Чтец:** **И ныне и присно и во веки веков. Аминь.**

**ПСАЛОМ 118, ТРЕТЬЯ СТАТИЯ:**

Призри на мя и помилуй мя, по суду любящих имя Твое. Стопы моя направи по словеси Твоему, и да не обладает мною всякое беззаконие. Избави мя от клеветы человеческия, и сохраню заповеди Твоя. Лице Твое просвети на раба Твоего, и научи мя оправданием Твоим. Исходища водная изведосте очи мои, понеже не сохраних закона Твоего. Праведен еси, Господи, и прави суди Твой. Заповедал еси правду свидения Твоя, и истину зело. Истаяла мя есть ревность Твоя, яко забыша словеса Твоя врази мои. Разжжено слово Твое зело, и раб Твой возлюбил е. Юнейший аз есмь и унижен, оправданий Твоих не забых. Правда Твоя правда во век, и закон Твой истина. Скорби и нужды обретоша мя, заповеди Твоя поучение мое. Правда свидения Твоя во век, вразуми мя, и жив буду. Возвах всем сердцем моим, услыши мя, Господи, оправдания Твоя взыщу. Возвах Ти, спаси мя, и сохраню свидения Твоя. Предварих в безгодии и возвах, на словеса Твоя уповах. Предваристе очи мои ко утру, поучитися словесем Твоим. Глас мой услыши, Господи, по милости Твоей: по судьбе Твоей живи мя. Приближишася гонящие мя беззаконием, от закона же Твоего удалюшася. Близ еси Ты, Господи, и вси пути истина. Исперва познах от свидений Твоих, яко в век основал я еси. Видь смирение мое и изми мя, яко закона Твоего не забых. Суди суд мой и избави мя, словесе ради Твоего живи мя. Далече от грешник спасение, яко оправданий Твоих не взыскаша. Щедроты Твоя многи, Господи, по судьбе Твоей живи мя. Мнози изгонящие мя и стужающие ми, от свидений Твоих

не уклонихся. Видех неразумеваяущия и истаях, яко словес Твоих не сохраниша. Видех, яко заповеди Твоя возлюбих, Господи, по милости Твоей живи мя. Начало словес Твоих истина, и во век вся судьбы правды Твоея. Князи погнаша мя туне, и от словес Твоих убояся сердце мое. Возрадуяся аз о словесех Твоих, яко обретаяй корысть многу. Неправду возненавидех и омерзих, закон же Твой возлюбих. Седмерицею днем хвалих Тя о судьбах правды Твоея. Мир мног любящим закон Твой, и несть им соблазна. Чаях спасения Твоего, Господи, и заповеди Твоя возлюбих. Сохрани душа моя свидения Твоя и возлюбй я зело. Сохраних заповеди Твоя и свидения Твоя, яко вси путие мой пред Тобю, Господи. Да приблизится моление мое пред Тя, Господи, по словеси Твоему вразуми мя. Да внидет прошение мое пред Тя, Господи, по словеси Твоему избави мя. Отрыгнут устне мой пение, егда научиши мя оправданием Твоим. Провещает язык мой словеса Твоя, яко вся заповеди Твоя правда. Да будет рука Твоя еже спасти мя, яко заповеди Твоя избволих. Возжелых спасение Твое, Господи, и закон Твой поучение мое есть. Жива будет душа моя и восхвалит Тя, и судьбы Твоя помогут мне. Заблудих, яко овча погйбшее, взыщи раба Твоего, яко заповедей Твоих не забых.

**Чтец:** Слава Отцу и Сыну и Святому Духу и ныне и присно и во веки веков. Аминь.  
Аллилуиа, аллилуиа, аллилуиа, слава Тебе Боже. *(Трижды)*

#### ЕКТЕНИЯ МАЛАЯ:

**Диакон:** Паки и паки миром Господу помоблимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

#### АКАФИСТ ПРЕСВЯТОЙ БОГОРОДИЦЕ:

##### ВТОРАЯ СТАТИЯ:

##### Кондак 1, глас 8:

**Хор:** Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

**Икос 4:**

Слышаша пастырие Ангелов поющих плотское Христово пришествие, и текше яко к Пастырю видят Сего яко агнца непорочно, во чреве Мариине упасшася, Юже поюще реша:

- Р**адуйся, Агнца и Пастыря Мати;
- р**адуйся, дворе словесных овец.
- Р**адуйся, невидимых врагов мучение;
- р**адуйся, райских дверей отвержение.
- Р**адуйся, яко небесная срадуются земным;
- р**адуйся, яко земная сликовствуют небесным.
- Р**адуйся, апостолов немолчная уста;
- р**адуйся, страстотерпцев непобедимая дерзосте.
- Р**адуйся, твердое веры утверждение;
- р**адуйся, светлое благодати познание.
- Р**адуйся, Еюже обнажися ад;
- р**адуйся, Еюже облекохомся славою.
- Р**адуйся, Невесто// Невестная.

**Кондак 5:**

Боготечную звезду узревше волсви, тоя последоваша заре, и яко светильник держаще ю, тою испытаху крепкаго Царя, и достигше Непостижимаго, возрадовашася, Ему вопиюще: Аллилуиа.

**Икос 5:**

Видеша отроцы халдейстии на руку Девичу Создавшего руками человеки, и Владыку понимающе Его, аще и рабий прият знак, потщашася дарми послужити Ему, и возопити Благословенней:

- Р**адуйся, звезды незаходимая Мати;
- р**адуйся, заре таинственного дне.
- Р**адуйся, прелести пещь угасившая;
- р**адуйся, Троицы тайники просвещающая.
- Р**адуйся, мучителя безчеловечнаго изметающая от начальства;
- р**адуйся, Господа человеколюбца показавшая Христа.
- Р**адуйся, варварскаго избавляющая служения;
- р**адуйся, тмения изымающая дел.
- Р**адуйся, огня поклонение угасившая;
- р**адуйся, пламене страстей изменяющая.
- Р**адуйся, верных наставнице целомудрия;

**ра́дуйся**, всех родо́в веселие.

**Ра́дуйся**, Невесто// Неневестная.

**Конда́к 6:**

**Проповедницы** богоноснии, бывше волсви, возврати́шася в Вавило́н, скончавше Твое́ пророчество, и проповеда́вше Тя Христа́ всем, остави́ша Ёрода́ яко буесловяща, не ве́дуща пе́ти: **Аллилу́иа**.

**И́кос 6:**

**Воссия́вый** во Египте просвеще́ние истины, отгна́л еси́ лжи́ тьму: и́доли бо егó, Спа́се, не терпя́ще Твоея́ кре́пости, падо́ша, сих же изба́вльшиися вопия́ху к Богоро́дице:

**Ра́дуйся**, исправле́ние челове́ков;

**ра́дуйся**, низпаде́ние бесо́в.

**Ра́дуйся**, прелести́ держа́ву попра́вшая;

**ра́дуйся**, идо́льскую лесть обли́чившая.

**Ра́дуйся**, мо́ре, потопи́вшее фарао́на мы́сленнаго;

**ра́дуйся**, ка́меню, напои́вший жа́ждущия жи́зни.

**Ра́дуйся**, о́гненный сто́лпе, наставля́яй су́щия во тьме;

**ра́дуйся**, покрóве ми́ру, ши́рший о́блака.

**Ра́дуйся**, пи́ще, ма́нны прие́мнице;

**ра́дуйся**, сла́дости святы́я служи́тельнице.

**Ра́дуйся**, землё́ обетова́ния;

**ра́дуйся**, из нея́же течёт мед и млекó.

**Ра́дуйся**, Невесто// Неневестная.

**Конда́к 7:**

**Хотя́щу** Симео́ну от ны́нешняго ве́ка престави́тися преле́стнаго, вда́лся еси́́ яко младе́нец то́му, но позна́лся еси́́ ему́ и Бог соверше́нный. Те́мже уди́вися Твое́й неизрече́нной премудро́сти, зовы́й: **Аллилу́иа**.

**И ХОР СНОВА ПОЕТ ПЕРВЫЙ КОНДАК, ГЛАС 8:**

**Взбра́нной** Воево́де победи́тельная, / яко́ изба́вльшеся от злых, / благода́рственная воспису́ем Ти, раби́ Твой, Богоро́дице, / но, яко́ иму́щая держа́ву непобеди́мую, / от вся́ких нас бед свободи́, да зове́м Ти:// ра́дуйся, Невесто Неневестная.

**Чтец:** Го́споди, поми́луй. *(Трижды)*

**Сла́ва** Отцу́ и Сы́ну и Свято́му Ду́ху и ны́не и при́сно и во ве́ки веко́в. **Ами́нь**.

**ПСАЛО́М 50:**

**Поми́луй** мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакóние моё. Наипа́че омы́й мя от беззакóния моего́, и от

грехá моего очисти мя. Яко беззаконіе мое аз знаю и грех мой предо мною есть вѣну. Тебѣ Единому согреших, и лукавое пред Тобѳю сотворих, яко да оправдишия во словесѣх Твоих и победиши, внегда судити Ти. Се бо в беззаконіих зачат есмь, и во гресѣх роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очищуся, омиеши мя, и паче снѣга убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззаконія моя очисти. Сердце чисто созижди во мне, Бѳже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебѳе обратятся. Избави мя от кровеѣ, Бѳже, Бѳже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотѣл еси жертвы, дал бых убо, всесожжения не благоволиши. Жертва Бѳгу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стѣны Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

### **КАНОН:**

*В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.*

*В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.*

*В храме Богородицы:*

#### **ПЕСНЬ 1:**

**КАНОН ПРАЗДНИКА БОГОРОДИЦЫ (ТРИОДИ), ГЛАС 4 (НА 12):**

**Ирмос:** **Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, // и воспою, радуясь, Тоя чудеса. (Дважды)**

**Припев:** **Пресвятая Богородице, спаси нас.**

**Христову книгу одушевленную, запечатленную Тя Духом, / великий Архангел, Чистая, зря возглашаше Ти: / радуйся, радости приятелище, // Ёуже праматерняя клятва разрешится. (Трижды)**

**Припев:** **Пресвятая Богородице, спаси нас.**

**Адамово исправление, радуйся / Дево Богоневесто, адово умерщвление. / Радуйся Всенепорочная, палато всех Царя: // радуйся, престоле огненный Вседержителя. (Трижды)**

**Припев: Пресвятая Богородице, спаси нас.**

Цвете неувядаемый, радуйся/ едина прозябшая яблоко благовонное./  
Радуйся рождающая благоухание единого Царя.// Радуйся Неискуобращная,  
мирови спасение. *(Дважды)*

**Припев: Слава Отцу и Сыну и Святому Духу.**

Чистоты сокровище, радуйся,/ Ёуже от падения нашего востаном./  
Радуйся, сладкоуханный крине Владычице,/ верных благоухаяй, кадило  
благовонное,// и миро многоценное.

**Припев: И ныне и присно и во веки веков. Аминь.**

Чистоты сокровище, радуйся,/ Ёуже от падения нашего востаном./  
Радуйся, сладкоуханный крине Владычице,/ верных благоухаяй, кадило  
благовонное,// и миро многоценное.

**КАТАВАСИЯ:**

Отверзу уста моя,/ и наполнятся Духа,/ и слово отрыгну Царице  
Матери,/ и явлюся, светло торжествуя,// и воспою, радуясь, Тоя чудеса.

**ПЕСНЬ 3:**

**КАНОН ПРАЗДНИКА БОГОРОДИЦЫ (Триоди), глас 4 (на 12):**

**Ирмос: Твоя песнословцы, Богородице,/ Живый и Независтный Источник,/ лик себе совокупльшия, духовно утверди,/ в Божественней Твоей славе// венцев славы сподоби. *(Дважды)***

**Припев: Пресвятая Богородице, спаси нас.**

Клас прозябшая Божественный, яко нива неоранная яве,/ радуйся одушевленная трапезо, хлеб животный вмещающая.// Радуйся, животная воды источника неистощаемый, Владычице. *(Трижды)*

**Припев: Пресвятая Богородице, спаси нас.**

Юнице Юнца рождающая непорочного, радуйся верным./ Радуйся Агнице, рождающая Божияго Агнца,/ вземлющего мира всего прегрешения.// Радуйся теплое очистилище. *(Трижды)*

**Припев: Пресвятая Богородице, спаси нас.**

Утро светлейшее, радуйся/ едина Солнца носящая Христа, света жилище./  
Радуйся, тьму разрушившая,// и мрачные бесы отнюд отгнавшая. *(Дважды)*

**Припев: Слава Отцу и Сыну и Святому Духу.**

Радуйся, двере едина,/ Ёуже Слово пройде едино,/ вереи и врата адова,  
Владычице, Рождеством Твоим сокрушившая.// Радуйся, Божественный  
входе спасаемых, Богоневесто.

**Припев:** **И ныне и присно и во веки веков. Аминь.**

**Радуйся, двере едина, / Еюже Слово пройде едино, / вереи и врата адова, Владычице, Рождеством Твоим сокрушившая. // Радуйся, Божественный входе спасаемых, Богоневесто.**

**КАТАВАСИЯ:**

**Твоя песнословцы, Богородице, / Живый и Независтный Источнике, / лик себе совокупльшия, духовно утверди, / в Божественней Твоей славе // венцев славы сподоби.**

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

**Хор:** Аминь.

### **АКАФИСТ ПРЕСВЯТОЙ БОГОРОДИЦЕ:**

**ТРЕТЬЯ СТАТИЯ:**

**Кондак 1, глас 8:**

**Хор:** Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

**Икос 7:**

Новую показав тварь, явлься Зиждитель нам от Него бывшим, из безсеменная прозяб утробы, и сохранив Ю, якоже бе, нетленну, да чудо видяще, воспойм Ю, вопиюще:

**Радуйся, цвете нетления;**

**радуйся, венче воздержания.**

**Радуйся, воскресения образ облистаящая;**

**радуйся, ангельское житие являющая.**

**Радуйся, древо светлоплодовитое, от негоже питаются вернии;**

**радуйся, древо благосеннолиственное, имже покрываются мнози.**

**Радуйся, во чреве носящая Избавителя плененным;**

**Р**áдуйся, рóждшая Настáвника заблúждшим.  
**Р**áдуйся, Судий прáведнаго умолéние;  
**р**áдуйся, мнóгих согрешéний прощéние.  
**Р**áдуйся, одéждо нагíх дерзновéния;  
**р**áдуйся, любý, всякое желáние побеждаýщая.  
**Р**áдуйся, Невéсто// Неневéстная.

**Кондák 8:**

**С**трáнное рождество вíдевше, устрани́мся мíра, ум на небеса́ прелóжше: сего́ бо рáди вы́сокий Бог на земли́ явiся смире́нный человек, хотя́й при-влещи́ к высотé Тому́ вопию́щая: **А**ллилу́иа.

**Йкос 8:**

**В**есь бе в нiжних и вiшних ника́коже отступí неопiсанное Слово: снизхожде́ние бо Божéственное, не прехожде́ние же мéстное бысть, и рождество́ от Дéвы Богоприятная, слы́шащая сия́:

**Р**áдуйся, Бо́га неместiмага вместiлище;  
**р**áдуйся, честна́го та́инства двéри.  
**Р**áдуйся, неверных сумнiтельное слы́шание;  
**р**áдуйся, ве́рных изве́стная похвалó.  
**Р**áдуйся, колесни́це пресвятáя Сýщаго на Херувiмех;  
**р**áдуйся, селéние преслáвное Сýщаго на Серафiмех.  
**Р**áдуйся, противная в то́жде собравшая;  
**р**áдуйся, дéвство и рождество́ сочетáвшая.  
**Р**áдуйся, Ё́юже разреши́ся преступлéние;  
**р**áдуйся, Ё́юже отвéрзеса рай.  
**Р**áдуйся, ключú Цáрствия Христо́ва;  
**р**áдуйся, наде́ждо благ вéчных.  
**Р**áдуйся, Невéсто// Неневéстная.

**Кондák 9:**

**В**сякое естество́ а́нгельское удивiся вели́кому Твоего́ вочеловéчения делу́; непристúпнаго бо я́ко Бо́га, зря́ще всем пристúпнаго Челове́ка, нам úбо спребывáющая, слы́шаща же от всех: **А**ллилу́иа.

**Йкос 9:**

**В**етiя многовещáнная, я́ко ры́бы безгласныя вiдим о Тебе́, Богородице, недоумева́ют бо глаго́лати, е́же ка́ко и Дéва пребывáеши, и родiти возмогла́ еси́? Мы же, та́инству дивя́щеса, ве́рно вопи́ем:

**Р**áдуйся, премúдрости Бо́жия приятелище;

**ра**дуйся, промыслѣния Егѡ сокровище.  
**Ра**дуйся, любомудрая немудрая являющая;  
**ра**дуйся, хитрословесныя безсловесныя обличающая.  
**Ра**дуйся, яко обуяша лютии взыскателе;  
**ра**дуйся, яко увядоша баснотворцы.  
**Ра**дуйся, афинейская плетения растерзающая;  
**ра**дуйся, рыбарския мрежи исполняющая.  
**Ра**дуйся, из глубины неведения извлекающая;  
**ра**дуйся, многи в разуме просвещающая.  
**Ра**дуйся, кораблю хотящих спастися;  
**ра**дуйся, пристанище житейских плаваний.  
**Ра**дуйся, Невесто// Неневестная.

**Кондак 10:**

**С**пасті хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам человек: подобным бо подобное призвав, яко Бог слышит: **А**ллилуиа.

**И ХОР СНОВА ПОЕТ ПЕРВЫЙ КОНДАК, ГЛАС 8:**

**В**збранной Воеводе победительная,/ яко избавльшеся от злых,/ благодарственная восписуем Ти, раби Твоя, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Неневестная.

**СЕДАЛЕН ТРИОДИ, ГЛАС 1, ПОДОБЕН: «ГРОБ ТВОЙ...»:**

**В**еликий воин невестственных Ангелов, во град Назарет представ, Царя возвещает Твоего, Чистая, и веков Господа: радуйся, глаголя Тебе, благословенная Марие, непостижимая и несказанная глубино, веков воззвание.

**С**лава Отцу и Сыну и Святому Духу и ныне и присно и во веки веков. **А**минь.

**ТОТ ЖЕ СЕДАЛЕН, ГЛАС 1:**

**В**еликий воин невестственных Ангелов, во град Назарет представ, Царя возвещает Твоего, Чистая, и веков Господа: радуйся, глаголя Тебе, благословенная Марие, непостижимая и несказанная глубино, веков воззвание.

**ПРОДОЛЖАЕМ КАНОН:**

*В храме Господском – канон храма со ирмосом на 6 (ирмосы по дважды) и праздника Богородицы (Триоди) на 6.*

*В храме святого – канон праздника Богородицы (Триоди) со ирмосом на 6 (ирмосы по дважды) и храма на 6.*

**В храме Богородицы:**

**ПЕСНЬ 4:**

**Канон праздника Богородицы (Триоди), глас 4 (на 12):**

**Ирмос:** **Седяй в Славе / на Престоле Божества / во облаце легце, / прииде Иисус Пребожественный, / Нетленною Дланию / и спасе зовущия: // слава, Христэ, силе Твоей. (Дважды)**

**Припев:** **Пресвятая Богородице, спаси нас.**

**Во гласех пений, Дево, / Тебе вопием, Всепетая: / радуйся, тучная горю и усуренная Духом. / Радуйся свещнице, и стамно маннуносящая, // услаждающая всех благочестивых чувства. (Дважды)**

**Припев:** **Пресвятая Богородице, спаси нас.**

**Очистилице миру, радуйся, Пречистая Владычице. / Радуйся лестнице, от земли всех возвысившая благодатию. / Радуйся мосте, воистинну преводяй всех // от смерти к животу поющих Тя. (Дважды)**

**Припев:** **Пресвятая Богородице, спаси нас.**

**Небес превышшая, радуйся, земли основание / в Твоих ложеснах Пречистая, нетрудно носившая. / Радуйся червленнице, багрянцу Божественную омочившая, // от кровей Твоих, Царевы силам. (Дважды)**

**Припев:** **Пресвятая Богородице, спаси нас.**

**Законодательница рождающая истинного, радуйся, Владычице, / беззакония всех туне очищающего. / Недоведомая глубино, высот неизреченная, браконейская, // Еюже мы обожихомся. (Дважды)**

**Припев:** **Слава Отцу и Сыну и Святому Духу.**

**Тя исплетшую миру нерукоплетенный венец песнословим, / радуйся, Тебе Дево зовущее: / хранилице всех и ограждение, и утверждение, // и священное прибежище.**

**Припев:** **И ныне и присно и во веки веков. Аминь.**

**Тя исплетшую миру нерукоплетенный венец песнословим, / радуйся, Тебе Дево зовущее: / хранилице всех и ограждение, и утверждение, // и священное прибежище.**

**КАТАВАСИЯ:**

**Седяй в Славе / на Престоле Божества / во облаце легце, / прииде Иисус Пребожественный, / Нетленною Дланию / и спасе зовущия: // слава, Христэ, силе Твоей.**

## ПЕСНЬ 5:

Канон праздника Богородицы (Триоди), глас 4 (на 12):

**Ирмос:** Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлётнаго Сына,/ всем воспевающим Тя// мир подавающая. *(Дважды)*

**Припев:** Пресвятая Богородице, спаси нас.

Путь рождающая жизни, радуйся Пренепорочная,/ от потопа греховнаго мир спасающая:/ радуйся Богоневесто, слышание и глаголение страшное:// радуйся пребывание Владыки твари. *(Дважды)*

**Припев:** Пресвятая Богородице, спаси нас.

Крепость и утверждение человеков, радуйся Пречистая,/ место освящения славы, умерщвление адово, чертоже всесветлый./ Радуйся Ангелов радости:// радуйся помощи верно молящихся Тебе. *(Дважды)*

**Припев:** Пресвятая Богородице, спаси нас.

Огнеобразная колеснице Слова, радуйся Владычице,/ одушевленный рай, древо посреде имущи жизни Господа,// Егоже сладость оживотворяет верою причащающихся, и тли подклонившихся. *(Дважды)*

**Припев:** Пресвятая Богородице, спаси нас.

Укрепляеми силою Твоею, верно вопием Ти:/ радуйся, граде всех Царя,/ преславная и достослышанная о Нейже глаголана быша яже, горб несекомая:// радуйся глубино неизмеримая. *(Дважды)*

**Припев:** Слава Отцу и Сыну и Святому Духу.

Пространное селение Слова, радуйся Пречистая,/ сосуде, Божественный бисер произведшая./ Радуйся, всечюдное всех к Богу примирение,// блажащих Тя, Богородице, всегда.

**Припев:** И ныне и присно и во веки веков. Аминь.

Пространное селение Слова, радуйся Пречистая,/ сосуде, Божественный бисер произведшая./ Радуйся, всечюдное всех к Богу примирение,// блажащих Тя, Богородице, всегда.

КАТАВАСИЯ:

Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлётнаго Сына,/ всем воспевающим Тя// мир подавающая.

В 6-9 песнях:

Канон храма не поется.

Во всех храмах:

ПЕСНЬ 6:

Канон праздника Богородицы (Триоди), глас 4 (на 6):

**Ирмос:** Божественное сие и всечестное / совершающе празднество, / Богомудрии, Богоматере, / приидите, руками восплещим, // от Нея рождаемого Бога славим. *(Дважды)*

**Припев:** Пресвятая Богородице, спаси нас.

Чертóже Сло́ва несквѣрный, вина́ всех обоже́ния, / раду́йся Пречи́стая, проро́ков оглаше́ние: // раду́йся, апо́столов удо́брение.

**Припев:** Пресвятая Богородице, спаси нас.

От Тебе́ роса́ ука́ну, пла́мень многобо́жия угаси́вшая. / Тем вопи́ем Ти: // раду́йся, рунó одушевлѣнное, е́же Гедео́н, Де́во, предви́де.

**Припев:** Пресвятая Богородице, спаси нас.

Се Тебе́ [Де́во] раду́йся, зове́м: / пристани́ще нам бу́ди вла́ющим, / и оти́шие в пучи́не скорбе́й, // и собла́знов всех бо́рителя.

**Припев:** Пресвятая Богородице, спаси нас.

Ра́дости вина́, облагодати́ наш по́мысл, е́же зва́ти Тебе́: / раду́йся неопали́мая купино́, о́блаче всесвѣтлый, // ве́рныя непреста́нно осеня́ющий.

Четверопѣснец первый, глас 6:

**Припев:** Святѣи мученицы, моли́те Бо́га о нас.

Пострада́вшие мученицы / и, я́ко ка́мение избра́нное, по землі́ валя́ющесе, / зижди́тельство вся́кое врага́ соверше́нно преврати́ша // и хра́ми Бо́га Жива́го яви́шася.

**Припев:** Святѣи мученицы, моли́те Бо́га о нас.

Вас мо́лим, течѣние до́брое соверши́вших, мученицы, / поста́ течѣние те́щи нас до́бре укрепите, // добродѣтелей соверше́нием просия́вших.

**Припев:** Святѣи мученицы, моли́те Бо́га о нас.

Рабы́ Твоя́, Влады́ко, / преста́вльшиися от землі́ к Тебе́, Преблагóму, / Твоего́ Ца́рствия сотвори́ общники, // Божественных мученик Твои́х свяще́нными ходата́йствы, Многоми́лостиве.

**Припев:** Пресвятая Богородице, спаси нас.

**Богородичен:** Еди́на Всепѣтая, / пою́щим Тя ве́рно, грехо́в оставле́ние / и дарова́ний Божественных часть да́тися, // Всесвято́му Сло́ву моли́ся, Ма́ти Де́во.

Четверопѣснец второй, глас 5:

**Припев:** Святѣи мученицы, моли́те Бо́га о нас.

**Па́мять соверша́юще мученик,/ Гóсподеви возслѣм пѣсни,// днесь Бо-  
жѣственно веселя́щися.**

**Припев: Святѣи мученицы, моли́те Бóга о нас.**

**Мечѣв и огня не убо́явшеся,/ дерза́юще в вѣре страсотѣрпцы,// му-  
чители в сем уязвѣсте.**

**Сла́ва Отцú и Сы́ну и Свято́му Ду́ху.**

**Трои́чен: Трѣицу Ли́цы воспѣва́ю Тя,/ Еди́нице по существу́ поклоня́юся,// Тебѣ,  
Отче, Сы́не и Ду́ше Святѣй.**

**И ны́не и прѣсно и во ве́ки веко́в. Ами́нь.**

**Богородичен: А́нгел и человекъ благохвалѣние еси́,// я́ко родила́ еси́, Дѣво, Христа́, Спаса  
душáм нáшим.**

**Припев: Дѣ́вен Бог во святѣ́х Своѣ́х, Бог Израѣ́лев.**

**Смѣртию живѣ́т преме́нѣвше,/ раду́етесь, на Небесѣ́х живу́ще,// страсо-  
тѣрпцы пресла́внии Христа́ Бóга.**

**Припев: Ду́ши их во благѣ́х водворя́тся.**

**Смѣртию и животомъ облада́яй,/ вѣро́ю преста́вльшиися от жити́я, Хри-  
сте́,// со святѣ́ми Твоѣ́ми упоко́й.**

**КАТАВА́СИЯ, ГЛАС 5:**

**От кѣ́та проро́ка избáвил еси́,/ мене́ же из глубины́ грехѣ́в возведи́,//  
Гóсподи, и спаси́ мя.**

**ЕКТЕНІ́Я МА́ЛАЯ:**

**Диако́н: Па́ки и па́ки ми́ром Гóсподу помóлимся.**

**Хор: Гóсподи, помѣ́луй.**

**Диако́н: Заступи́, спаси́, помѣ́луй и сохрани́ нас, Бóже, Твоѣ́ю благода́тию.**

**Хор: Гóсподи, помѣ́луй.**

**Диако́н: Пресвяту́ю, Пречѣ́стную, Преплагословѣ́нную, Сла́вную Влады́чицу нáшу Богороди́цу и Приснодѣ́ву  
Марі́ю, со все́ми святѣ́ми помяну́вше, са́ми себѣ́ и друг дру́га, и весь живѣ́т наш Христу́́ Бóгу преда́дим.**

**Хор: Тебѣ́, Гóсподи.**

**Иерей: Ты́ бо еси́́ Царь́́ ми́ра и Спас душ́́ нáших, и Тебѣ́́ сла́ву воссыла́ем, Отцú́́ и Сы́ну́́ и Свято́му  
Ду́ху, ны́не и прѣсно́́ и во ве́ки веко́в.**

**Хор: Ами́нь.**

## **АКА́ФИСТ ПРЭСВЯТО́Й БОГОРО́ДИЦЕ:**

**ЧЕТВѢ́РТАЯ СТАТИ́Я:**

**Конда́к 1, глас 8:**

**Хор: Взбра́нной Воево́де победѣ́тельная,/ я́ко избáвльшеся от злых́,/ благо-  
да́рственная воспису́ем Ти, раби́́ Твоѣ́́, Богороди́це,/ но, я́ко иму́щая держа́ву непо-  
бѣди́мую,/ от вся́ких нас бедъ́́ свободи́́, да зове́м Ти:// раду́йся, Невѣ́сто Неневѣ́стная.**

**Икос 10:**

Стенá еси дéвам, Богорóдице Дéво, и всем к Тебé прибегающим: и́бо небесе́ и земли́ Творецъ устрои́ Тя, Пречы́стая, вселься во утробе́ Твоей, и вся приглаго́лати Тебé научи́в:

- Рáдуйся,** стóлпе дéвства;
- ра́дуйся,** дверь спасéния.
- Рáдуйся,** начальнице́ мы́сленнаго наздáния;
- ра́дуйся,** подáтельнице́ Божéственныя блáгости.
- Рáдуйся,** Ты бо обновила́ еси́ зачáтыя стúдно;
- ра́дуйся,** Ты бо наказáла еси́ окрáденныя умóм.
- Рáдуйся,** тлителя́ смы́слов упражня́ющая;
- ра́дуйся,** Сэятеля́ чистоты́ рóждшая.
- Рáдуйся,** черто́же безсе́меннаго уневéщения;
- ра́дуйся,** вёрных Гóсподеви́ сочетáвшая.
- Рáдуйся,** дóбрая младопитáтельница дéвам;
- ра́дуйся,** невестокраси́тельнице́ душ святы́х.
- Рáдуйся,** Невéсто// Неневéстная.

**Конда́к 11:**

Пéние всякое́ побежда́ется, спрострétися тщáщеся ко мнóжеству мнóгих щедрóт Твои́х: равночýсленныя бо пескá пéсни áще приносим Ти, Царю́ святы́й, ничто́же соверша́ем достóйно, яже дал еси́ нам, Тебé вопию́щим: **Аллилу́иа.**

**Икос 11:**

Светоприёмную́ свещу́, сущим во тьме́ явльшуюся, зрим святу́ю Дéву, невещéственный бо вжигáющи огонь, наставля́ет к рáзуму Божéственному́ вся, зарéю ум просвещáющая, звáнием же почита́емая, сими́:

- Рáдуйся,** лучé умнаго Сóлнца;
- ра́дуйся,** свети́ло незаходимаго́ Свéта.
- Рáдуйся,** молние, дúши просвещáющая;
- ра́дуйся,** я́ко гром, враги́ устраша́ющая.
- Рáдуйся,** я́ко многосвётлое возсия́вæши просвещéние;
- ра́дуйся,** я́ко многотекúщую источáеши реку́.
- Рáдуйся,** купéли живопису́ющая́ образ;
- ра́дуйся,** грехóвную отъёмлю́щая сквёрну.
- Рáдуйся,** ба́не, омы́вæющая́ совесть;
- ра́дуйся,** чáше, черплю́щая рáдость.
- Рáдуйся,** обоня́ние Христо́ва благоухáния;

**Р**áдуйся, животé тайнаго весéлия.

**Р**áдуйся, Невéсто// Неневéстная.

**Кондак 12:**

**Б**лагодáть дáти восхотéв, долгóв дрéвних, всех долгóв Решítель чело-  
вéком, приíде Собóю ко отшédшим Тогó благодáти, и раздрáв рукописáние,  
слýшит от всех сýще: **А**ллилу́иа.

**Йкос 12:**

**П**оюще Твоé Рождество, хвáлим Тя вси, я́ко одушевлéнный храм, Бого-  
рóдице: во Твоéй бо вселíвся утрóбе содержáй вся руко́ю Господь, освятí,  
прослáви и научí вопíти Тебé всех:

**Р**áдуйся, селéние Бóга и Сло́ва;

**р**áдуйся, святáя святýх бóльшая.

**Р**áдуйся, ковчéже, позлащéнный Дúхом;

**р**áдуйся, сокрóвище животá неистощíмое.

**Р**áдуйся, честный вéнче царéй благочестíвых;

**р**áдуйся, честнáя похвалó иереев благоговéйных.

**Р**áдуйся, Цérкве непоколебíмый стóлпе;

**р**áдуйся, Цáрствия нерушíмая стенó.

**Р**áдуйся, Ёюже воздвíжуются побéды;

**р**áдуйся, Ёюже низпáдают вразí.

**Р**áдуйся, тéла моего́ врачевáние;

**р**áдуйся, душí моея́ спасéние.

**Р**áдуйся, Невéсто// Неневéстная.

**Кондак 13:**

**О**, Всепéтая Мáти, рóждшая всех святýх Святéйшее Сло́во! Нýнешнее  
приёмши приношéние, от всякия избáви напáсти всех, и бóдущия измí  
мýки, Тебé вопию́щих: **А**ллилу́иа. *(Кондак читается или поется трижды)*

**Йкос 1:**

**А**́нгел предстáтель с небесé по́слан бысть рещí Богородице: рáдуйся! и со  
безплóтным глáсом воплощáема Тя зря, Гбсподи, ужасáшеся и стоя́ше, зовый  
к Ней таковáя:

**Р**áдуйся, Ёюже рáдость возсияет;

**р**áдуйся, Ёюже клýтва изчéзнет.

**Р**áдуйся, пáдшаго Ада́ма воззвáние;

**р**áдуйся, слез Ёвиных избавлéние.

**Р**áдуйся, высотó неудобовосходíмая чело́веческими по́мыслы;

**ра́дуйся**, глубино́ неудобозрима́я и а́нгельскима очима́.

**Ра́дуйся**, я́ко еси́ Царе́во седа́лище;

**ра́дуйся**, я́ко но́сиши Нося́щаго вся.

**Ра́дуйся**, звездó, явля́ющая Со́лнце;

**ра́дуйся**, утрóбо Божéственнаго воплощéния.

**Ра́дуйся**, Ё́юже обновля́ется тварь;

**ра́дуйся**, Ё́юже покланя́емся Творцу́.

**Ра́дуйся**, Невéсто// Неневéстная.

**И СНОВА ХОР ПОЁТ ПЕРВЫЙ КОНДАК, ГЛАС 8:**

**Взбра́нной Воево́де победи́тельная, / я́ко избáвльшеся от злых, / благо-  
да́рственная воспису́ем Ти, раби́ Твои́, Богоро́дице, / но, я́ко иму́щая держа́ву  
непобеди́мую, / от вся́ких нас бед свободи́, да зове́м Ти:// ра́дуйся, Невéсто  
Неневéстная.**

### **ЗАВЕРШАЕМ КАНОН:**

*В 6-9 песнях:*

*Канон храма не поется.*

*Во всех храмах:*

**ПЕСНЬ 7:**

**Канон праздника Богородицы (Триоди), глас 4 (на 6):**

**Ирмос:** **Не послужи́ша тва́ри Богому́дрии / па́че Созда́вшаго, / но, о́гненное  
прещéние му́жески попра́вше, / ра́довахуся, пою́ще:// препéтый отце́в  
Госпо́дь и Бог, благослове́н еси́. (Дважды)**

**Припев:** **Пресвята́я Богоро́дице, спаси́ нас.**

**Воспева́ем Тя вопи́юще: / ра́дуйся, колесни́це со́лнца умна́го, / лозó  
и́стинная, грозд зréлый возде́лавшая, вино́ источа́ющий, // ду́ши веселя́щее  
ве́рою Тя сла́вящих.**

**Припев:** **Пресвята́я Богоро́дице, спаси́ нас.**

**Врача́ всех челове́к ро́ждшая, ра́дуйся Богоневéсто, / жéзле та́йный, цвет  
неувяда́емый процвётший, // ра́дуйся Влады́чице, Ё́юже ра́дости напол-  
ня́емся, и жизнь насле́дуем.**

**Припев:** **Пресвята́я Богоро́дице, спаси́ нас.**

**Ветийству́ющий не мо́жет язы́к, Влады́чице, песносло́вити Тя, / па́че бо  
Серафи́мов возвы́силася еси́, ро́ждши Царя́ Христа́. // Его́же моли́ граду́ сему́  
изба́виться от мно́гих искуше́ний.**

**Припев:** **Пресвята́я Богоро́дице, спаси́ нас.**

**Х**валят Тя блажаще концы, и любовь зовут Тебе:/ радуйся свитче, в немже перстом написася Отчее Слово, Чистая./ Егже моли, в книги животныя// рабом Твоим написатися, Богородице.

**ЧЕТВЕРОПЕСНЕЦ ПЕРВЫЙ, ГЛАС 6:**

**Припев: Святїи мученицы, молїте Бóга о нас.**

Пресвѣтлое собрание Божественных Твоих мучеников, Многомилостиве,/ во свете Твоём незаходимем ныне жительствует./// Тех молитвами просвещение и грехов очищение подаждь всем, Христѣ.

**Припев: Святїи мученицы, молїте Бóга о нас.**

Коль красное время, еже нам дал еси воздержания, Господи,/ в немже ущедри души наша яко Благ,/ молитвами святых страдалец,/// красныя и честныя возлюбивших страсти Твоя.

**Припев: Святїи мученицы, молїте Бóга о нас.**

Прешедшия многоболѣзненную бурю жития рабы Твоя,/ устремй в пристанище, Владыко, жизни,/ вопити со всеми избранными:// благословен еси, Господи Бóже отец наших.

**Припев: Пресвятая Богородице, спаси нас.**

**Богородичен:** Закона Дателя, Приснодево, рождающая моли,/ беззакония отъяти вся, во время ныне настоящее,/// добре произволившим обучатися Божественного поста тщанием.

**ЧЕТВЕРОПЕСНЕЦ ВТОРОЙ, ГЛАС 5:**

**Припев: Святїи мученицы, молїте Бóга о нас.**

Благословен еси, Бóже,/ показавый доблю о Тебе страдающия мученики,/// препетый и препрославленный.

**Припев: Святїи мученицы, молїте Бóга о нас.**

Благословен еси, Бóже,/ стратотерпцы молитвенники нам к Тебе подавай,/// препетый и препрославленный.

**Припев: Слава Отцу и Сыну и Святому Духу.**

**Троицен:** Благословен еси, Бóже,/ един убо Естеством, Лицы же тремі познаваемый,/// препетый и препрославленный.

**Припев: И ныне и присно и во веки веков. Аминь.**

**Богородичен:** Благословен еси, Бóже,/ рождейся безсеменно, и Рождшую показавый чистотствующую,/// препетый и препрославленный.

**Припев: Святѣм, иже суть на земли Егѣ, удивїи Господь вся хотения Своя в них.**

**Благословен еси, Боже, / звери укротивый и погасивый огонь, // в славу святых Твоих, препетый и препрославленный.**

**Припев: Блажени, яже избрал, и приял еси Господи.**

**Благословен еси, Боже, / от смерти в безконечный живот преложивый, // верою в житий послужившия Тебе.**

**КАТАВАСИЯ, ГЛАС 5:**

**Благословен еси, Боже, / видяй бездны / и на Престоле Славы седяй, // препетый и преславный.**

**ПЕСНЬ 8:**

**КАНОН ПРАЗДНИКА БОГОРОДИЦЫ (ТРИОДИ), ГЛАС 4 (НА 6):**

**Ирмос: Отроки благочестивыя в пещи / Рождество Богородичо спасло есть; / тогда убо образуемое, / ныне же действующее, / вселенную всю воздвизает пети Тебе: / Господа пойте, дела, // и превозносите Его во вся веки. (Дважды)**

**Припев: Пресвятая Богородице, спаси нас.**

**Ложесны Слово прияла еси, / вся носящаго носила еси, / млеко питала еси, / манием питающего вселенную всю, Чистая, Емуже поем: // Господа пойте дела, и превозносите во вся веки.**

**Припев: Пресвятая Богородице, спаси нас.**

**Моисей уразумел в купине великое таинство Рождества Твоего: / отроцы же прообразиша сие явственнее / посреде огня стояще, и не опаляеми, нетленная святая Дево. // Тем Тя почитаем во вся веки.**

**Припев: Пресвятая Богородице, спаси нас.**

**Прежде прелестию обнажившиися / в ризу нетления облекохомся Рождеством Твоим: / и сидящие во тьме прегрешений, свет видехом, / света жилище, Отроковице. // Тем Тя поем во вся веки.**

**Припев: Пресвятая Богородице, спаси нас.**

**Мертвии Тобою оживляются, / Жизнь бо ипостасную родила еси, / немии прежде, благоглаголиви бывають, / прокаженнии очищаются, недужи отгоняются, / духов воздушных множества побеждаются, // Дево, человеков спасение.**

**ЧЕТВЕРОПЕСНЕЦ ПЕРВЫЙ, ГЛАС 6:**

**Припев: Святии мученицы, молитесь Бога о нас.**

**Святых мученик исправлением, / небеснии умове преудивившася, // тех молитвами, милости Твоя, Владыко, в нас богато удивил, Щедре.**

**Припев: Святии мученицы, молитесь Бога о нас.**

**Огонь Божественною росью поправшии, / страдальцы Господни досточуднии, / избавите нас огня мучащаго, // ко Владыце теплыми вашими молитвами.**

**Припев:** **Святѣи мученицы, моли́те Бо́га о нас.**

Преблагѣи Сло́ве,/ отше́дшия от нас правосла́вно,/ жи́зни сподо́би, я́же на небесе́х,/ и святы́я свѣтлости,// добропобѣдных мученик моли́твами.

**Припев:** **Пресвята́я Богоро́дице, спаси́ нас.**

**Богородичен:** Моли́твами, Ще́дре, Ро́ждшия Тя,/ и святы́х мученик и апо́стол Твои́х,/ просвети́ наша ду́ши, е́же сла́вити Тя,// в весе́лии душе́внем во ве́ки.

**ЧЕТВЕРОПѢСНЕЦ ВТОРО́Й, ГЛАС 5:**

**Припев:** **Святѣи мученицы, моли́те Бо́га о нас.**

Ли́цы мученик святѣи,/ помяни́те любо́вию воспева́ющия вы// и превозно́сщия Христа́ во ве́ки.

**Припев:** **Святѣи мученицы, моли́те Бо́га о нас.**

Мечѣм усека́еми, ра́довахуся мученицы, пою́ще Христа́// и превозно́сяще во вся ве́ки.

**Благослови́м Отца́, и Сы́на, и Свята́го Ду́ха, Го́спода.**

**Трои́чен:** Странноле́пно разделя́ется Трои́ца/ и пребыва́ет неразде́льна, я́ко Бог,// Ю́же превозно́сим во вся ве́ки.

**И ны́не и прѣсно и во ве́ки веко́в. Ами́нь.**

**Богородичен:** Де́ва Младѣнца роди́,/ Бог бо из Нея́ вочелове́чился,// вся тварь да поѣт Егó во ве́ки.

**Припев:** **Дѣивен Бог во святы́х Свои́х, Бог Изра́илев.**

Сто́лпи́ мужества яви́шася,/ паде́нием диа́волим ра́дующеся мученицы,/ пою́ще Христа́ и превозно́сяще во ве́ки.

**Припев:** **Ду́ши их во благѣ́х водворя́тся.**

У Авра́ама вне́дритися сподо́би, Го́споди, рабы́ Твоя́,/ ве́рою предста́вльшиися к Тебе́, и наде́жду.

**КАТАВА́СИЯ, ГЛАС 5:**

**Хва́лим, благослови́м, поклоня́емся Го́сподеви, пою́ще и превозно́сяще во вся ве́ки.**

**Творца́ тва́ри,/ Егóже ужа́саются А́нгели,/ по́йте, лю́дие,// и превозно́сите во вся ве́ки.**

**Диакон:** Богоро́дицу и Ма́терь Све́та в пѣснях возвели́чим.

**ПЕСНЬ ПРЕСВЯТО́Й БОГОРО́ДИЦЫ:**

**Хор:** Вели́чит душа́ Моя́ Го́спода,/ и возра́довася дух Мой о Бо́зе Спа́се Моѣм.

**Честне́йшую Херувѣ́м/ и Сла́внейшую без сравне́ния Серафѣ́м,/ без ислѣ́ния Бо́га Сло́ва ро́ждшую,// су́щую Богоро́дицу, Тя велича́ем.**

**Я**ко призрэ на смирение рабы Своея,/ се бо от ныне ублажат Мя вси роди.

**Честнейшую Херувим/ и Славнейшую без сравнения Серафим,/ без исления Бога Слова рождшую, // сущую Богородицу, Тя величаем.**

**Я**ко сотвори Мне величие Сильный,/ и свято Имя Его, и милость Его в роды родов боящимся Его.

**Честнейшую Херувим/ и Славнейшую без сравнения Серафим,/ без исления Бога Слова рождшую, // сущую Богородицу, Тя величаем.**

**С**отвори державу мышцею Своею,/ расточи гордыя мыслию сердца их.

**Честнейшую Херувим/ и Славнейшую без сравнения Серафим,/ без исления Бога Слова рождшую, // сущую Богородицу, Тя величаем.**

**Н**изложи сильные со престол, и вознеси смиренные;/ алчущия исполни благ, и богатящиеся отпусти тщи.

**Честнейшую Херувим/ и Славнейшую без сравнения Серафим,/ без исления Бога Слова рождшую, // сущую Богородицу, Тя величаем.**

**В**осприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

**Честнейшую Херувим/ и Славнейшую без сравнения Серафим,/ без исления Бога Слова рождшую, // сущую Богородицу, Тя величаем.**

### ПЕСНЬ 9:

**Канон праздника Богородицы (Триоди), глас 4 (на 6):**

**Ирмос:** **Всяк земнородный/ да възиграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная, // Богородице, Чистая Приснодево. (Дважды)**

**Припев:** **Пресвятая Богородице, спаси нас.**

**Д**а Тебе, вернии, радуйся зовем,/ Тобою радости причастницы бывше присносущныя,/ избави нас напастей, варварскаго пленения, и всякия инья раны,/ за множество, Отроковице, прегрешений, // находящая человеком согрешающим.

**Припев:** **Пресвятая Богородице, спаси нас.**

**Я**вилася еси просвещение наше и утверждение./ Темже вопием Ти:/ радуйся, звездó незаходящая, вводящая в мир великое Солнце./ Радуйся, Едем отверзшая заключенный, Чистая. // Радуйся, сосуде, миро неистощимое на Тя изливанное приемший.

**Припев:** **Пресвятая Богородице, спаси нас.**

Станем благоговейно в дому Бóга нашего, и возопийм:/ радуйся, миру Владычице./ Радуйся Маріе, Госпоже всех нас./ Радуйся, едина непорочная в женах и добрая.// Радуйся, столпе огненный, вводящий в вышнюю жизнь человечество.

**Припев: Пресвятая Богородице, спаси нас.**

**Богородичен:** Голубице Милостиваго рождающая, радуйся Приснодево:/ преподобных всех, радуйся, похвало, страдальцев венчание./ Радуйся, всех праведных Божественное удобрение,// и нам верным спасение.

**ЧЕТВЕРОПЕСНЕЦ ПЕРВЫЙ, ГЛАС 6:**

**Припев: Святые мученицы, молитесь Бога о нас.**

Яко свет, яко солнце возсиявше,/ всю землю лучами благочестия, мученицы,/ и светилами чудес просветиша/ и многобожия тьму разгнаша,// ихже молитвами, Бóже, помилуй нас.

**Припев: Святые мученицы, молитесь Бога о нас.**

Вбинство мучеников непобедимое,/ всех нас укрепь добре подвизаться/ и совершити поста поприще,/ яко да Божественного жития дело совершивше,// причастницы будем жизни, веселящаяся.

**Припев: Святые мученицы, молитесь Бога о нас.**

Твоя да предварит благодать, Господи,/ от нас страшным преставльшихся повелением Твоим,/ да окружит их Твоя милость,// и да наставит к селению, просвещенным светом лица Твоего.

**Припев: Пресвятая Богородице, спаси нас.**

**Богородичен:** Гласом ангеловым совета Отца Ангела,/ неизреченно Богородице родила еси,/ гласы убо рабов Твоих прими,/ яже во время поста приносим,// и сия принеси Бóгу, якоже кадило.

**ЧЕТВЕРОПЕСНЕЦ ВТОРОЙ, ГЛАС 5:**

**Припев: Святые мученицы, молитесь Бога о нас.**

Совершающе торжество мученическое,/ днесь людие воскликнем песнями,/ поюще Христу подвигоположнику/ и победы на враги им подавшему,// Егóже в песнях величаем.

**Припев: Святые мученицы, молитесь Бога о нас.**

Ноготми растерзаемы и усецаемы мечем на уды,/ совокупистесь Христу любезно, всехвальнии мученицы.// Тем и ныне на небесах веселящаяся, о всех молитесь.

**Припев:** **Сла́ва Отцу́ и Сы́ну и Свято́му Ду́ху.**

**Троичен:** **Еди́но Существо́м воспева́ю Тя, Безнача́льная Трои́це,/ честна́я, живона-  
ча́льная, несекóмая Едини́це,/ Отче нерождённ<sup>ый</sup> и рождённ<sup>ый</sup> Сло́ве и  
Сы́не, Ду́ше Святы́й, // нас спаси́, пою́щих Тя.**

**Припев:** **И ны́не и при́сно и во ве́ки веко́в. Ами́нь.**

**Богородичен:** **Па́че ума́ рождество́ Твое́, Богома́ти,/ без му́жа бо зачатие в Тебе́ и  
де́вственно рождéние бысть,/ и́бо Бог есть роди́выйся, // Егóже велича́юще,  
Тя, Де́во, ублажа́ем.**

**Припев:** **Святы́м, и́же суть на земли́ Егó, удиви́ Господь́ вся хотéния Сво́я в них.  
До́блее во́инство Царя́ всех и Бо́га,/ мучеников пéсньми венча́им, лю́дие,/ ти́и  
бо победи́ша бесóвския полки́ я́ве, // я́же воспева́юще, Влады́ку велича́ем.**

**Припев:** **Блажéни, я́же избра́л, и прия́л еси́ Го́споди.**

**Егда́ все создáние Твое́ возста́виши суди́тися, Христé, я́же прия́л еси́,/ и  
ны́не рабы́ Тво́я вёрныя помилуй́,/ прости́, я́же в жити́й прегрешéния их, //  
и со святы́ми Тво́ими упоко́й я́ во ве́ки.**

**КАТАВА́СИЯ, ГЛАС 5:**

**Иса́ие, ликуй́,/ Де́ва имé во чре́ве/ и роди́ Сы́на Емману́ила,/ Бо́га же  
и Челове́ка,/ Восто́к и́мя Емú́,/ Егó же велича́юще, // Де́ву ублажа́ем.**

**ЕКТЕНИ́Я МА́ЛАЯ:**

**Диакон:** Па́ки и па́ки ми́ром Го́споду помóлимся.

**Хор:** Го́споди, помилуй́.

**Диакон:** Заступи́, спаси́, помилуй́ и сохрани́ нас, Бо́же, Твое́ю благода́тию.

**Хор:** Го́споди, помилуй́.

**Диакон:** Пресвяту́ю, Пречы́стую, Преблагословéнную, Сла́вную Влады́чицу на́шу Богороди́цу и Присноде́ву  
Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Хор:** Тебе́, Го́споди.

**Иерей:** Я́ко Тя хва́лят вся си́лы небéсныя, и Тебе́ сла́ву воссыла́ем, Отцу́ и Сы́ну и Свято́му Ду́ху,  
ны́не и при́сно и во ве́ки веко́в.

**Хор:** Ами́нь.

**СВЕТИ́ЛЕН ТРИО́ДИ, ПОДО́БЕН: «ЖЕНЫ́ УСЛЫ́ШИТЕ...»:**

**Чтец:** **Е́же от ве́ка днесь познава́ется та́инство:/ Бо́жие Бог Сло́во, Сын Де́вы  
Мари́и за милосéрдие бывáет./ И ра́дость Благовéщения Гаври́ил провеща-  
ва́ет, с нимже возопи́м вси: // ра́дуйся, Ма́ти Господня́. (Дважды)**

**Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.**

**Е́же от ве́ка днесь познава́ется та́инство:/ Бо́жие Бог Сло́во, Сын Де́вы  
Мари́и за милосéрдие бывáет./ И ра́дость Благовéщения Гаври́ил провеща-  
ва́ет, с нимже возопи́м вси: // ра́дуйся, Ма́ти Господня́.**

## ХВАЛИТНЫ ПСАЛМЫ, ГЛАС 4

**Хор:** Всякое дыханіе да хвалит Гóспода./ Хваліте Гóспода с небéс,/ хваліте Егó в вѣшних.// Тебé подобáет песнь Бóгу.

**Хваліте Егó вси А́нгели Егó,/ хваліте Егó вся сілы Егó.// Тебé подобáет песнь Бóгу.**

**Псалмы 148, 149, 150:**

**Хваліте Егó, со́лнце и луна́, хваліте Егó, вся звéзды и свет. Хваліте Егó Небесá небéс и вода́, яже превѣше небéс. Да восхва́лят імя Господне: яко Той рече́, и бѣша, Той повелé, и создáшася. Поста́ви я́ в век и в век вѣка, повелéние положи́, и не мѣмо ідет. Хваліте Гóспода от землі, змѣеве и вся бѣздны: огонь, град, снег, гóлоть, дух бóрен, творя́щая слóво Егó, гóры и вси хóлми, дрéвá плодонóсна и вси кéдри, звѣрие и вси скóти, га́ди и птѣицы перна́ты. Цáрие зѣмстии и вси лю́дие, кня́зи и вси суди́и зѣмстии, ю́ноши и дѣвы, ста́рцы с ю́нотами да восхва́лят імя Господне, яко вознесéся імя Тогó Едѣнаго, исповѣдание Егó на землі и на небесѣ́. И вознесёт рог люде́й Своѣх, песнь всем преподóбным Егó, сыновóм Израїлевым, лю́дем, приближа́ющимся Емú.**

**Воспо́йте Гóсподеви песнь но́ву, хвалéние Егó в цѣркви преподóбных. Да возвеселѣ́тся Израїль о Сотвор́шем егó, и сынове Си́они возра́дуются о Царé своéм. Да восхва́лят імя Егó в лице́, в тимпа́не и псалтѣ́ри да пою́т Емú. Яко благово́лит Господь в лю́дех Своѣх, и вознесёт крóткия во спасéние. Восхва́лятся преподóбнии во сла́ве и возра́дуются на лóжах своѣх. Возно́шения Бóжия в гортáни их, и мечѣ обою́ду острѣ́ в руках их: сотвори́ти отмщéние во язѣ́цех, обличéния в лю́дех, связáти царѣ́ их пúты, и сла́вныя их ручнѣ́ми окóвы желéзными.**

**На 6:** Сотвори́ти в них суд напѣсан. Сла́ва сѣя́ бóдет всем преподóбным Егó.

**Хваліте Бóга во святѣ́х Егó, хваліте Егó во утвер́жении сілы Егó.**

*Стихиры Триоди, глас 4, подобен: «Яко дóбля...»:*

**Стих:** **Хваліте Егó на сілах Егó,/ хваліте Егó по мнóжеству велѣ́чества Егó.**

**Стихира:** Сокровéнное та́инство/ и А́нгелом невѣдомое,/ Гаври́л уверя́ет Арха́нгел,/ и к Тебé ны́не при́дет/ едѣ́ней нетлѣ́нней и дóбрей голубѣ́це,/ и рóда на́шего воззвáнию,/ и возопи́ет Тебé Пресвятáя, е́же ра́дуйся:/ уго́товися слóвом, Бóга Сло́ва,// Твоѣ́ми ложесна́ми при́яти.

**Стих:** **Хваліте Егó во гла́се тру́бнем:/ хваліте Егó во псалтѣ́ри и гу́слех.**

**Стихира:** Сокровéнное та́инство/ и А́нгелом невѣдомое,/ Гаври́л уверя́ет Арха́нгел,/ и к Тебé ны́не при́дет/ едѣ́ней нетлѣ́нней и дóбрей голубѣ́це,/ и рóда на́шего воззвáнию,/ и возопи́ет Тебé Пресвятáя, е́же ра́дуйся:/ уго́товися слóвом, Бóга Сло́ва,// Твоѣ́ми ложесна́ми при́яти.

**Стих:** **Хваліте Егó в тимпа́не и лице́,/ хваліте Егó во стру́нах и орга́не.**

**Стихира:** Светонóсная палáта/ угото́вася Тебé, Влады́ко,/ утробá чы́стая Богоотро-  
кови́цы,/ гряди́ к Сей и снiди, ущéдри создáние Твое́,/ завíстно брань  
прiймшее и рабóту удержáнное льсти́ваго,/ и добрóту пёрвую погу-  
бiвшее, // и Твоегó спасiтельного ча́ющее соше́ствия.

**Стих:** **Хвалите Его в кимвалех доброголасных, хвалите Его в кимвалех вос-  
клидания: / всякое дыхание да хвалит Господа.**

**Стихира:** Гавриiл Архáнгел,/ к Тебé, Всенепорóчная,/ явлéнно приiдет и возопиéт  
Тебé:/ рáдуйся, клятвы разрешéние,/ пáдших востáние./ Рáдуйся, едiна из-  
брáнная Бóгу бiвшая./ Рáдуйся, колесни́це сóлнца слáвы:/ приими́ Без-  
плóтного, // во утробе Твоей вселiтся хотя́щаго.

*Стихира Триоди, глас 4, самогласна:*

**Слáва Отцú и Сýну и Свято́му Дúху и ны́не и прiсно и во вéки векóв. Амiнь.**

**Язýка,** егóже не вéдяше,/ услýша Богорóдица,/ глаго́лаше бо к Не́й Архáнгел  
Благовéщения глаго́лы:/ отню́дуже вёрно прiймши целова́ние,/ зачат Тя, Пре-  
вéчнаго Бóга./ Тёмже и мы рáдующеся вопиéм Ти:/ из Не́я воплотiвийся непре-  
лóжно, Бóже,/ мир мiрови дáруй // и душáм нáшим вéлию мiлость.

**Иерей:** **Слава Тебе, показавшему нам свет.**

**СЛАВОСЛОВИЕ ВЕЛИКОЕ:**

**Хор:** **Слáва в вiшних Бóгу, и на землi мир, в челове́цах благово́ление. Хвáлим  
Тя, благослови́м Тя, клáняем Ти ся, славослови́м Тя, благодари́м Тя, вели́кия  
ради слáвы Твоея́. Гóсподи Царю́ Небéсный, Бóже Отче Вседержiтелю,  
Гóсподи, Сýне Единорóдный, Иисýсе Христé, и Святы́й Дúше. Гóсподи Бóже,  
Áгнче Бóжий, Сýне Отéчь, взéмляй грех мiра, помiлуй нас; взéмляй грехi  
мiра, приими́ моли́тву нáшу; седя́й одесну́ю Отцá, помiлуй нас. Яко Ты еси́  
едiн Свят, Ты еси́ едiн Гóсподь, Иисýс Христóс, в слáву Бóга Отцá. Амiнь.**

**На всяк день благословлю́ Тя, и восхвалю́ И́мя Твое́ во вéки, и в век вéка.**

**Сподóби, Гóсподи, в день сей без грехá сохранiтися нам. Благословéн еси́,  
Гóсподи, Бóже отéц нáших, и хвáльно и прослáвлено И́мя Твое́ во вéки. Амiнь.**

**Бúди, Гóсподи, мiлость Твоя́ на нас, я́коже упова́хом на Тя.**

**Благословéн еси́, Гóсподи, научи́ мя оправдáнием Твои́м. (Трижды)**

**Гóсподи, прибéжище был еси́ нам в род и род. Аз рех: Гóсподи, помiлуй  
мя, исцели́ дúшу мою́, я́ко согреших Тебé. Гóсподи, к Тебé прибегóх, научи́ мя  
творiти во́лю Твою́, я́ко Ты еси́ Бог мой: я́ко у Тебé истóчник животá, во  
свéте Твоём úзрим свет. Пробáви мiлость Твою́ веду́щим Тя.**

Святый Бóже, Святый Крепкий, Святый Безсмертный, помилуй нас. *(Трижды)*  
Слава Отцу и Сыну и Святому Духу и ныне и присно и во веки веков. **Аминь.**  
Святый Безсмертный, помилуй нас.  
Святый Бóже, Святый Крепкий, Святый Безсмертный, помилуй нас.

**ТРОПАРЬ ПРАЗДНИКА (Триоди), ГЛАС 8:**

**Хор:** Повеленное тайно прием в разуме,/ в крове Иосифове тщанием предста  
Безплотный, глаголя Неискусобрачной:/ приклонивый схождением Небеса  
вмещается неизменно весь в Тя,/ Егóже и видя в ложеснах Твоих приемша  
рабий зрак,/ ужасаюся звати Тебé:// радуясь, Невесто Неневестная.

**ЕКТЕНИЯ СУГУБАЯ:**

**Диакон:** Помилуй нас, Бóже, по велицей милости Твоей, молим Ти ся, услыши и помилуй.

**Хор:** Гóсподи, помилуй. *(Трижды, на каждое прошение)*

**Диакон:** Ещё молимся о Великом Господине и Отце нашем Святейшем Патриархе Кирилле, и о Господине нашем Высокопреосвященнейшем митрополите **(или: архиепископе, или: Преосвященнейшем епископе) имярек**, и всей во Христé братии нашей.

Ещё молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Ещё молимся о блаженных и приснопамятных создателях святого храма сего, и о всех преждепочивших отцах и братиях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродетельных во святом и всечестном храме сем, труждающихся, поющих и предстоящих людех, ожидающих от Тебé великия и богатыя милости.

**Иерей:** Яко Милостив и Человеколюбец Бог еси, и Тебé славу возсылаем, Отцу и Сыну и Святому Духу, ныне и присно и во веки веков.

**Хор:** **Аминь.**

**ЕКТЕНИЯ ПРОСИТЕЛЬНАЯ:**

**Диакон:** Исполним утреннюю молитву нашу Господеви.

**Хор:** Гóсподи, помилуй.

**Диакон:** Заступи, спаси, помилуй и сохрани нас, Бóже, Твоею благодатью.

**Хор:** Гóсподи, помилуй.

**Диакон:** Дне всего совершенна, свята, мирна и безгрешна у Гóспода просим.

**Хор:** Подáй, Гóсподи. *(На каждое прошение.)*

**Диакон:** Ангела мирна, верна наставника, хранителя душ и телес наших, у Гóспода просим.

Прощения и оставления грехов и прегрешений наших у Гóспода просим.

Добрых и полезных душам нашим и мира миру у Гóспода просим.

Прочее время живота нашего в мире и покаянии скончати у Гóспода просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христóве просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

**Хор:** Тебѣ, Господи.

**Иерей:** Яко Бог милости, щедрот и человеколюбия еси, и Тебѣ славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Главы наша Господеви приклоним.

**Хор:** Тебѣ, Господи.

**Иерей:** Твое бо есть, еже милovati и спасати ны, Боже наш, и Тебѣ славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**Диакон:** Премудрость.

**Хор:** Благословѣ.

**Иерей:** Сый благословен Христос Бог наш, всегда, ныне и присно и во веки веков.

**Хор:** Аминь. Утверди, Боже, святую православную веру, православных христиан во век века.

**Иерей:** Пресвятая Богородице, спаси нас.

**Хор:** Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

**Иерей:** Слава Тебѣ, Христѣ Боже, Упование наше, слава Тебѣ.

**Хор:** Слава Отцу и Сыну и Святому Духу и ныне и присно и во веки веков. Аминь. Господи, помилуй. *(Трижды)* Благословѣ.

ОТПУСТ:

**Иерей:** Христос, Истинный Бог наш, молитвами Пречистыя Своея Матере...

МНОГОЛѢТИЕ:

**Хор:** Великаго Господина и Отца нашего Кирилла, / Святѣйшаго Патриарха Московскаго и всея Руси, / и Господина нашего Преосвященнейшаго **(или: Высокопреосвященнейшаго) имярек,** / епископа **(или: митрополита, или: архиепископа) титул его,** / богохранимую страну нашу Российскую, / настоятеля, братию и прихожан святѣаго храма сего / и вся православныя христианы, // Господи, сохрани их на многая лета.

## ПЕРВЫЙ ЧАС

**Чтец:** Приидите, поклонимся Цареву нашему Богу.

Приидите, поклонимся и припадѣм Христу, Цареву нашему Богу.

Приидите, поклонимся и припадѣм Самому Христу, Цареву и Богу нашему.

### ПСАЛОМ 5:

**Г**лагóлы моя внуши́, Го́споди, разумей зва́ние мое́. Вонми́ гласу моле́ния моего́, Царю́ мой и Бо́же мой, яко к Тебе́ помолю́ся, Го́споди. Зау́тра услы́ши глас мой, зау́тра предста́ну Ти, и у́зриши мя. Яко Бог не хотя́й беззако́ния, Ты еси́: не приселит́ся к Тебе́ лукавну́яй, ниже́ пребу́дут беззако́нницы пред очима́ Твоима́: возненави́дел еси́ вся де́лающия беззако́ние. Погуби́ши вся глаго́лющия лжу́: му́жа крове́й и льсти́ва гнуша́ется Господь. Аз же мно́жеством ми́лости Твоея́, вни́ду в дом Твой, поклоню́ся ко хра́му свято́му Твоему́, в стра́се Твоем. Го́споди, наста́ви мя пра́вдою Твоею́, враг мои́х ради испра́ви пред Тобо́ю путь мой. Яко несть во устех их и́стины, се́рдце их су́етно, гроб отве́рст горта́нь их: язы́ки свои́ми льща́ху. Суди́ им, Бо́же, да отпаду́т от мы́слей свои́х, по мно́жеству нече́стия их изри́ни я́, яко преогорчи́ша Тя, Го́споди. И да возвеселя́тся вси упова́ющии на Тя, во век возра́дуются, и всели́шися в них, и похва́лятся о Тебе́ лю́бящии и́мя Твое́. Яко Ты благослови́ши пра́ведника, Го́споди: яко ору́жием благоволе́ния венча́л еси́ нас.

### ПСАЛОМ 89:

**Г**о́споди, прибе́жище был еси́ нам в род и род. Пре́жде да́же гора́м не бы́ти и создáтися земли́ и вселенней, и от ве́ка и до ве́ка Ты еси́. Не отврати́ челове́ка во смире́ние, и рекл еси́: обратит́ся, сы́нове челове́честии. Яко ты́сяща лет пред очима́ Твоима́, Го́споди, яко день вчера́шний, иже мимо́иде, и стра́жа но́щная. Уничи́жения их ле́та бу́дут. У́тро яко трава́ мимо́идет, у́тро процвете́т и пре́йдет: на ве́чер отпаде́т ожесте́ет и и́зсхнет. Яко исчезо́хом гне́вом Твоим, и я́ростию Твоею́ смути́хомся. Положи́л еси́ беззако́ния на́ша пред Тобо́ю: век наш в просвеще́ние лица́ Твоего́. Яко вси дние́ на́ши оскуде́ша, и гне́вом Твоим исчезо́хом, ле́та на́ша яко паучи́на поуча́хуся. Дние́ лет на́ших, в нихже се́дмьдесят лет, а́ще же в си́лах, осьмьдесят лет, и мно́жае их труд и боле́знь: яко при́иде крото́сть на ны, и нака́жемся. Кто весть держа́ву гне́ва Твоего́, и от стра́ха Твоего́, я́рость Твою́ исче́сти? Десни́цу Твою́ та́ко скажи́ ми, и окова́нныя се́рдцем в му́дрости. Обрати́ся, Го́споди, доколе́? И умоле́н бу́ди на рабы́ Твоя́. Исполнимомся зау́тра ми́лости Твоея́, Го́споди, и возра́довахомся, и возвесели́хомся, во вся дни на́ша возвесели́хомся, за дни в ня́же смири́л ны еси́, ле́та в ня́же ви́дехом зла́я. И при́зри на рабы́ Твоя́, и на дела́ Твоя́, и наста́ви сы́ны их. И бу́ди све́тлость Го́спода Бо́га на́шего на нас, и дела́ рук на́ших испра́ви на нас, и де́ло рук на́ших испра́ви.

### ПСАЛОМ 100:

**М**и́лость и суд воспою́ Тебе́, Го́споди. Пою́ и разуме́ю в пути́ непоро́чне, когда́ при́идеши ко мне? Прехо́ждах в незло́бии се́рдца моего́ посреде́ до́му моего́. Не

предлагах пред очима моима вещь законопреступную: творящая преступление возненавидех. Не прильпе мне сердце строптиво, уклоняющегося от мене лукаваго не познах. Оклеветавшего тай искренняго своего, сего изгонях: гордым оком, и несбытым сердцем, с сим не ядях. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающия беззаконие.

**Слава Отцу и Сыну и Святому Духу и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе Боже. (Трижды)**

**Господи, помилуй. (Трижды)**

**Слава Отцу и Сыну и Святому Духу.**

**ТРОПАРЬ ПРАЗДНИКА (Триоди), ГЛАС 8:**

Повеленное тайно прием в разуме, / в крове Иосифове тщанием предста  
Безплотный, глаголя Неискусобращней: / приклонивый схождением Небеса  
вмещается неизменно весь в Тя, / Егоже и видя в ложеснах Твоих приемша  
рабий зрак, / ужасаюся звати Тебе: // радуясь, Невесто Невестная.

**И ныне и присно и во веки веков. Аминь.**

Что Тя наречем, о Благодатная? Небо, яко возсияла еси Солнце Правды.  
Рай, яко прозябла еси цвет нетления Деву, яко пребыла еси нетленна.  
Чистую Матерь, яко имела еси на святых Твоих объятиях Сына, всех Бога.  
Того моли спастися душам нашим.

Стопы моя направи по словеси Твоему и да не обладает мною всякое беззаконие.  
Избави мя от клеветы человеческия, и сохранию заповеди Твоя. Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспую славу Твою,  
весь день великолепие Твое.

**ТРИСВЯТОЕ ПО ОТЧЕ НАШ:**

**Чтец:** **Святый Боже, Святый Крепкий, Святый Безсмертный, помилуй нас. (Трижды)**

**Слава Отцу и Сыну и Святому Духу и ныне и присно и во веки веков. Аминь.**

**Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.**

**Господи, помилуй. (Трижды)**

**Слава Отцу и Сыну и Святому Духу и ныне и присно и во веки веков. Аминь.**

**Отче наш, Иже еси на Небесех, да святится имя Твое, да придет Царствие**

Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава, Отца и Сына и Святаго Духа, ныне и присно и во веки веков.

**Чтец:** Аминь.

### Кондак праздника (Триоди), глас 8:

Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Господи, помилуй. (40 раз)

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагуотробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

**Иерей:** Боже, ущедри ны и благослови ны, просвети лице Твое на ны и помилуй ны.

**Чтец:** Аминь.

**Иерей:** Христе, Свете Истинный, просвещающий и освящающий всякого человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых, аминь.

### Кондак, глас 8:

**Хор:** Взбранной Воеводе победительная, / яко избавльшися от злых, / благодарственная восписуем Ти раби Твои, Богородице; / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

**Иерей:** Слава Тебе, Христэ Бóже, упование наше, слава Тебе.

**Хор:** Слава Отцу и Сыну и Святому Духу и ныне и присно и во веки веков. **Аминь.**  
Господи, помилуй. *(Трижды)* **Благослови.**

**ОТПУСТ:**

**Иерей:** Христос, истинный Бог наш, молитвами пречистой Своей Матере, преподобных и Богоносных отец наших и всех святых, помилует и спасет нас, яко Благ и Человеколюбец.

**Хор:** Господи, помилуй. *(Трижды)*

## **ТРЕТИЙ ЧАС**

**Иерей:** Благословен Бог наш всегда, ныне и присно, и во веки веков.

**Чтец:** Аминь. Слава Тебе, Бóже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**ТРИСВЯТОЕ ПО ОТЧЕ НАШ:**

**Чтец:** Святыи Бóже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу и ныне и присно и во веки веков. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу и ныне и присно и во веки веков. **Аминь.**

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава Отца и Сына и Святаго Духа, ныне и присно и во веки веков.

**Чтец:** Аминь. Господи, помилуй. *(12 раз)*

Слава Отцу и Сыну и Святому Духу и ныне и присно и во веки веков. **Аминь.**

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

**ПСАЛОМ 16:**

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видят правоты. Искусил еси сердце мое, посетил еси нощию, искусил мя еси, и не обретется во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы мои во стезях Твоих, да не

подвижутся стопы моя. Аз возвах, яко услышал мя еси, Бóже, приклони́ у́хо Твое́ мне и услыши глаго́лы моя. Удиви́ мило́сти Твоя́, спаса́яй упова́ющия на Тя от противящихся десни́це Твое́й. Сохрани́ мя, Го́споди, яко зе́ницу о́ка, в кро́ве крилу́ Твое́ю покры́еши мя. От лица́ нечести́вых остра́стших мя, врази́ мой ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свои́ возложи́ша уклони́ти на зе́млю. Объя́ша мя яко лев гото́в на лов и яко ски́мен обита́яй в та́йных. Воскресни́, Го́споди, предвари́ я и за́пни им, изба́ви ду́шу мою́ от нечести́ваго, ору́жие Твое́ от враг руки́ Твоея́. Го́споди, от ма́лых от земли́, раздели́ я в животé их, и сокрове́нных Твои́х исполнися чре́во их, насы́тишася сыно́в, и оста́виша оста́нки младе́нцем своим. Аз же пра́вдою явлю́ся лицу́ Твоему́, насы́щуся, внегда́ явити ми ся сла́ве Твое́й.

#### ПСАЛО́М 24:

**К** Тебе́, Го́споди, воздвиго́х ду́шу мою́, Бóже мой, на Тя упова́х, да не постыжу́ся во век, ниже́ да посмею́т ми ся врази́ мой, и́бо вси терпя́щии Тя не посты́дятся. Да посты́дятся беззако́ннующии вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, яко Ты еси́ Бог Спас мой, и Тебе́ терпéх весь день. Помяни́ щедрóты Твоя́, Го́споди, и мило́сти Твоя́, яко от ве́ка суть. Грех ю́ности моея́, и неведе́ния моего́ не помяни́, по мило́сти Твое́й помяни́ мя Ты, ра́ди бла́гости Твоея́, Го́споди. Благ и прав Госпо́дь, сегó ра́ди законоположи́т согреша́ющим на пути́. Наста́вит крóткия на суд, научи́т крóткия путе́м Свои́м. Все путиé Госпо́дни мило́сть и и́стина, взыска́ющим завета́ Его́, и свидения́ Его́. Ра́ди и́мене Твоего́, Го́споди, и очисти́ грех мой, мног бо есть. Кто есть человек бо́йся Го́спода? Законоположи́т ему́ на пути́, е́гоже изво́ли. Душа́ е́го во бла́гих водвори́тся, и се́мя е́го насле́дит зе́млю. Держа́ва Госпо́дь бо́ящихся Его́, и завет́ Его́ яви́т им. О́чи мои́ вы́ну ко Го́споду, яко Той исто́ргнет от се́ти но́зе мой. При́зри на мя и поми́луй мя, яко единоро́д и нищ есмь аз. Ско́рби се́рдца моего́ умно́жишася, от нужд мои́х изведи́ мя. Виждь смире́ние моё, и труд мой, и оста́ви вся грехи́ моя́. Виждь враги́ моя́, яко умно́жишася, и ненави́дением непра́ведным возненави́деша мя. Сохрани́ ду́шу мою́, и изба́ви мя, да не постыжу́ся, яко упова́х на Тя. Незло́бивии и пра́вии прилепля́хуся мне, яко потерпéх Тя, Го́споди. Изба́ви, Бóже, Изра́иля от всех скорбе́й е́го.

#### ПСАЛО́М 50:

**П**оми́луй мя, Бóже, по вели́цей мило́сти Твое́й, и по мно́жеству щедро́т Твои́х очисти́ беззако́ние моё. Наипа́че омы́й мя от беззако́ния моего́, и от греха́ моего́ очисти́ мя; яко беззако́ние моё аз зна́ю, и грех мой предо мно́ю есть вы́ну. Тебе́ Еди́ному согреши́х и лука́вое пред Тобо́ю сотвори́х, яко да оправди́шися во словесе́х Твои́х, и победи́ши внегда́ суди́ти Ти. Се бо, в без-

законных зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыши мя, и паче снега убелюся. Слуху моему даси радость и веселие; возрадуются кости смиренные. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

**Слава Отцу и Сыну и Святому Духу и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе Боже. (Трижды)**

**Господи, помилуй. (Трижды)**

**Слава Отцу и Сыну и Святому Духу.**

**ТРОПАРЬ ПРАЗДНИКА (Триоди), ГЛАС 8:**

Повеленное тайно прием в разуме, / в крове Иосифове тщанием предста  
Безплотный, глаголя Неискусобрачней: / приклонивый схождением Небеса  
вмещается неизменно весь в Тя, / Егоже и видя в ложеснах Твоих приемша  
рабий зрак, / ужасаюся звати Тебе: // радуйся, Невесто Неневестная.

**И ныне и присно и во веки веков. Аминь.**

Богородице, Ты еси лоза истинная, возрастившая нам Плод живота, Тебе  
молимся: молися, Владычице, со святыми апостолы помилovati души наша.

Господь Бог благословен, благословен Господь день дне, / поспешит нам  
Бог спасений наших, Бог наш, Бог спасати.

**ТРИСВЯТОЕ ПО ОТЧЕ НАШ:**

**Чтец:** **Святой Боже, Святой Крепкий, Святой Безсмертный, помилуй нас. (Трижды)**

**Слава Отцу и Сыну и Святому Духу и ныне и присно и во веки веков. Аминь.**

**Пресвятая Троице, помилуй нас; Господи, очисти грехи наша; Владыко, прости  
беззакония наша; Святой, посети и исцели немощи наша, имене Твоего ради.**

**Господи, помилуй. (Трижды)**

Слава Отцу и Сыну и Святому Духу и ныне и присно и во веки веков. **Аминь.**

Отче наш, Иже еси на Небесах, да святится имя Твое, да придет Царствие Твое, да будет воля Твоя, яко на Небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство и сила и слава, Отца и Сына и Святого Духа, ныне и присно и во веки веков.

**Чтец:** Аминь.

### КОНДАК ПРАЗДНИКА (Триоди), ГЛАС 8:

Взбранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуяся, Невесто Неневестная.

Господи, помилуй. *(40 раз)*

Иже на всякое время и на всякий час, на Небесах и на земли, покланяемый и славимый, Христе Боже, Долготерпеливе, Многомилостиве, Многоблаготробне, Иже праведных любяи и грешных милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум непреступных Твоей славы, яко благословен еси во веки веков, аминь.

Господи помилуй. *(Трижды)*

Слава Отцу и Сыну и Святому Духу и ныне и присно и во веки веков. **Аминь.**

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

**Иерей:** Молитвами святых отец наших, Господи Иисусе Христе, Боже наш, помилуй нас.

**Чтец:** Аминь. Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешнаго, и имиже веси судьбами, спаси мя, недостойнаго раба Твоего, яко благословен еси во веки веков, аминь.

### ШЕСТОЙ ЧАС

**Чтец:** Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

### ПСАЛОМ 53:

**Б**о́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Яко чу́ждии воста́ша на мя и крѣпции взыска́ша ду́шу мою́, и не предложы́ша Бо́га пред собо́ю. Се бо Бог помога́ет ми, и Госпо́дь Засту́пник души́ мое́й. Отврати́т злая́ враго́м мои́м, истиною Твое́ю потреби́ их. Волею пожру́ Тебе́, испове́мся и́мени Твоему́, Го́споди, яко́ благо, яко́ от вся́кия печа́ли изба́вил мя еси́, и на враги́ моя́ воззré око́ мое́.

### ПСАЛОМ 54:

**В**нуши́, Бо́же, моли́тву мою́ и не презри́ моления́ моего́. Вонми́ ми и услы́ши мя: возскорбѣх печа́лию мое́ю и смято́хся. От гла́са вра́жия и от стужѣния грѣшника, яко́ уклони́ша на мя беззаконіе и во гнѣве враждова́ху ми. Сѣрдце мое́ смяте́ся во мне и боя́знь сме́рти нападе́ на мя. Страх и трѣпет прии́де на мя и покры́ мя тьма. И рех: кто даст ми криле́, яко́ голуби́не, и полещу́, и почи́ю? Се удали́хся бѣгая и водвори́хся в пусты́ни. Ча́ях Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: яко́ ви́дех беззаконіе и пререка́ние во гра́де. Днем и но́щию обы́дет и по стена́м его́. Беззаконіе и труд посреде́ его́ и неправда. И не оскуде́ от стогн его́ ли́хва и лесть. Яко́ а́ще бы враг поноси́л ми, претерпе́л бых у́бо, и а́ще бы ненави́дяй мя на мя велере́чевал, укры́л бых ся от него́. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в дому́ Бо́жии ходи́хом единомышлѣнием. Да прии́дет же смерть на ня, и да снѣдут во ад жи́ви, яко́ лука́вство в жили́щах их, посреде́ их. Аз к Бо́гу воззва́х, и Госпо́дь услы́ша мя. Вѣчер и зау́тра, и полудне пове́м, и возвещу́, и услы́шит глас мой. Изба́вит ми́ром ду́шу мою́ от приближа́ющихся мне, яко́ во мно́зе бяху со мно́ю. Услы́шит Бог и смири́т я́, Сый пре́жде век. Несть бо им изменѣния, яко́ не убо́яшася Бо́га. Простре́ ру́ку свою́ на воздая́ние, оскверни́ша заветъ Его́. Раздели́шася от гнѣва лица́ Его́, и прибли́жишася сердца́ их, умя́кнуша словеса́ их па́че е́леа, и та суть стрѣлы. Возвѣрзи на Го́спода печа́ль твою́, и Той тя препита́ет, не даст в век молвы́ праведнику. Ты же, Бо́же, низведе́ши я в студенѣц истлѣния, му́жие кровей и льсти не преполовя́т дней свои́х. Аз же, Го́споди, упова́ю на Тя.

### ПСАЛОМ 90:

**Ж**ивы́й в по́мощи Вы́шняго, в кро́ве Бо́га Небѣснаго водвори́тся. Рече́т Го́сподеви: Засту́пник мой еси́ и Прибе́жище мое́, Бог мой, и упова́ю на Него́. Яко́ Той изба́вит тя от се́ти лóвчи и от словесе́ мяте́жна, плещма́ Свои́ма

осенит тя, и под криле Его надеешься: оружием обидет тя истина Его. Не убойшия от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоея тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнешоу камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Моё. Воззовет ко Мне и услышу его, с ним есмь в скорби, изму его и прославлю его, долгою дней исполню его и явлю ему спасение Моё.

**Слава Отцу и Сыну и Святому Духу и ныне и присно и во веки веков. Аминь.**

**Аллилуиа, аллилуиа, аллилуиа, слава Тебе Боже. (Трижды)**

**Господи, помилуй. (Трижды)**

**Слава Отцу и Сыну и Святому Духу.**

**ТРОПАРЬ ПРАЗДНИКА (Триоди), ГЛАС 8:**

Повеленное тайно прием в разуме,/ в крове Иосифове тщанием предста  
Безплотный, глаголя Неискусобрачней:/ приклонивый схождением Небеса  
вмещается неизменно весь в Тя,/ Егоже и видя в ложеснах Твоих приемша  
рабий зрак,/ ужасаюся звати Тебе:// радуйся, Невесто Неневестная.

**И ныне и присно и во веки веков. Аминь.**

Яко не имама дерзновения за премногия грехи наша, Ты иже от Тебе  
Рождагося моли, Богородице Дево, много бо может моление Матернее ко  
благосердию Владыки. Не презри грешных мольбы, Всечистая, яко  
милостив есть и спасти могый, Иже и страдати о нас изволивый.

Скоро да предварят ны щедроты Твоя, Господи, яко обнищавом зело; по  
мози нам, Боже, Спасе наш, славы ради Имене Твоего, Господи, избави нас и  
очисти грехи наша, Имене ради Твоего.

**ТРИСВЯТОЕ ПО ОТЧЕ НАШ:**

**Чтец:** **Святый Боже, Святый Крепкий, Святый Безсмертный, помилуй нас. (Трижды)**

**Слава Отцу и Сыну и Святому Духу и ныне и присно и во веки веков. Аминь.**

**Пресвятая Троице, помилуй нас; Господи, очисти грехи наша; Владыко,  
прости беззакония наша; Святый, посети и исцели немощи наша, имене  
Твоего ради.**

**Г**осподи, помилуй. *(Трижды)*

**С**лава Отцу и Сыну и Святому Духу и ныне и присно и во веки веков. **А**минь.

**О**тче наш, Иже еси на Небесах, да святится имя Твое, да придет Царствие Твое, да будет воля Твоя, яко на Небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** **Я**ко Твое есть Царство и сила и слава, Отца и Сына и Святого Духа, ныне и присно и во веки веков.

**Чтец:** **А**минь.

**КОНДАК ПРАЗДНИКА (Триоди), ГЛАС 8:**

**В**збранной Воеводе победительная, / яко избавльшися от злых, / благодарственная восписуем Ти, раби Твои, Богородице, / но, яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

**Г**осподи, помилуй. *(40 раз)*

**И**же на всякое время и на всякий час, на Небесах и на земли, покланяемый и славимый, Христэ Боже, Долготерпеливе, Многомилостиве, Многоблагодарне, Иже праведныя любяи и грешныя милуяи, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградяи нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

**Г**осподи помилуй. *(Трижды)*

**С**лава Отцу и Сыну и Святому Духу и ныне и присно и во веки веков. **А**минь.

**Ч**естнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

**И**менем Господним благослови, отче.

**Иерей:** **М**олитвами святых отец наших, Господи Иисусе Христэ, Боже наш, помилуй нас.

**Чтец:** **А**минь. Боже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственных сия и молебныя молитвы и избави нас от всякаго всегубительнаго и мрачнаго прегрешения и всех

озлѡбити нас ищущих видимых и невидимых враг. Пригвозди́ страху Твоему́ плѡти наша и не уклони́ сердце́ наших в словеса́ или́ помышления́ лукавствия, но любовью Твоею уязви́ души́ наша, да, к Тебѣ всегда́ взирающе и еже от Тебѣ свѣтом наставляеми, Тебѣ, непреступнаго и присносу́щнаго зряще́ Свѣта, непрестанное Тебѣ исповѣдание и благодарѣние возсылаем, Безначальному Отцу́ со Единородным Твоимъ Сыномъ и Всесвятѣмъ, и Благимъ, и Животворящим Твоимъ Ду́хом ны́не, и присно, и во ве́ки веко́в, ами́нь.

## **БОЖЕСТВЕННАЯ ЛИТУРГІЯ СЯТІТЕЛЯ ІОА́ННА ЗЛАТОУ́СТОГО**

**Диакон:**    Благослови́, влады́ко.

**Иерей:**    Благословѣно Царство Отца́ и Сына́ и Свята́го Ду́ха, ны́не и присно и во ве́ки веко́в.

**Хор:**       Ами́нь.

### **ВЕЛІКАЯ ЕКТЕНІЯ:**

**Диакон:**   Міром Гѡсподу помѡлимся.

**Хор:**       Гѡсподи, помілуй. *(На каждое прошение)*

**Диакон:**   О Свѣшнем міре и спасѣнии душ наших, Гѡсподу помѡлимся.

О міре всего́ міра, благостоя́нии Святы́х Бѡжиих Церквѣй и соединѣнии всех, Гѡсподу помѡлимся.

О святѣм хра́ме сем и с вѣрою, благоговѣнием и страхомъ Бѡжиимъ входящихъ в о́нь, Гѡсподу помѡлимся.

О вели́комъ Господі́не и Отцѣ́ нашемъ Святе́йшемъ Патриархе́ Кири́лле, и о Господі́не нашемъ, Высокпреосвященнейшемъ митрополі́те **(или: архиепи́скопе, или: Преосвященнейшемъ епи́скопе) имя-рѣк**, честнѣмъ пресвѣтерствѣ, во Христѣ́ диа́конствѣ, о всемъ причте́ и лю́дехъ, Гѡсподу помѡлимся.

О Богохрані́мей странѣ́ нашей, властѣ́х и во́инствѣ ея́, Гѡсподу помѡлимся.

О гра́де сем **(или: О ве́си сей)**, вся́комъ гра́де, странѣ́ и вѣрою живущихъ в нихъ, Гѡсподу помѡлимся.

О благорастворѣ́нии возду́хов, о изобі́лии пло́довъ земныхъ и вре́менехъ мірныхъ, Гѡсподу помѡлимся.

О пла́вающихъ, путешѣствующихъ, недугующихъ, стра́ждущихъ, пленѣ́нныхъ и о спасѣ́нии ихъ. Гѡсподу помѡлимся.

О изба́витися намъ от вся́кыя скѡрби, гнѣ́ва и ну́жды, Гѡсподу помѡлимся.

Заступи́, спаси́, помілуй и сохрани́ нас, Бѡже, Твоею́ благода́тию.

Пресвяту́ю, Пречи́стую, Преблагословѣ́нную, Сла́вную Влады́чицу́ нашу Богоро́дицу и Присноде́ву Мари́ю, со все́ми святы́ми помяну́вше, са́ми себѣ́ и другъ дру́га, и весь живѡ́т нашъ Христу́ Бо́гу преда́димъ.

**Хор:**       Тебѣ́, Гѡсподи.

**Иерей:**    Яко́ подобаетъ Тебѣ́ вся́кая сла́ва, честь и поклонѣ́ние, Отцу́ и Сы́ну и Свято́му Ду́ху, ны́не и присно и во ве́ки веко́в.

**Хор:**       Ами́нь.

### **ПѢРВЫЙ АНТИФѢН, ПСАЛО́М 102:**

**Хор:**       Благослови́, душе́ моя́, Гѡспода, / благословѣ́н еси́ Гѡсподи. /

Благослови́, душе́ моя́, Гѡспода, / и вся́ вну́тренняя́ моя́ / і́мя свято́е Егѡ́. / Благослови́, душе́ моя́, Гѡспода, / и не забывай́ всехъ воздая́ній Егѡ́, / очища́ющаго́ вся́ беззакѡ́ныя твоя́, / исцѣля́ющаго́ вся́ недуги́ твоя́, / избавля́ющаго́ от истлѣ́ния живѡ́т твой, / венча́ющаго́ тя ми́лостію и щедро́тами, / исполня́ющаго́ во благі́хъ

желание твоё:/ обновится яко орля юность твоя./ Твори́й мило́стыни Го́сподь,/ и судьбу́ всем оби́димым./ Сказа́ пути́ Своя́ Моисе́ови,/ сыно́вом Изра́илевым хо-тэ́ния Своя́:/ Щедр и Ми́лостив Го́сподь,/ Долготерпели́в и Многоми́лостив./ Не до конца́ прогне́вается,/ ниже́ в век вражду́ет,/ не по беззако́нием на́шим сотво-ри́л есть нам,/ ниже́ по грехо́м на́шим возда́л есть нам./ Я́ко по высотé небэ́сней от земли́,/ утверди́л есть Го́сподь ми́лость Свою́ на бо́ящихся Егó./ Ели́ко отсто́ят восто́цы от запа́д,/ уда́лил есть от нас беззако́ния на́ша./ Я́коже ще́дрит оте́ц сыны́,/ ущэ́дри Го́сподь бо́ящихся Егó./ Я́ко Той позна́ создáние на́ше,/ помяну́, я́ко персть есмь́./ Чело́век, я́ко трава́ дние́ егó,/ я́ко цвет сёльный, та́ко оцветéт,/ я́ко дух прóйде в нем,/ и не б́удет, и не позна́ет ктому́ мёста своегó./ Ми́лость же Го́сподня от вёка и до вёка на бо́ящихся Егó,/ и пра́вда Егó на сынéх сынóв, хра-ня́щих завет́ Егó, и по́мнящих за́поведи Егó твори́ти я́./ Го́сподь на Небеси́ уго-то́ва Престо́л Свой,/ и Ца́рство Егó все́ми облада́ет./ Благо́словите Го́спода вси А́нгели Егó,/ си́льнии крёпостию, твори́щи сло́во Егó, услы́шати глас словéс Егó./ Благо́словите Го́спода вся Си́лы Егó,/ слуги́ Егó, твори́щи во́лю Егó./ Благо́словите Го́спода вся дела́ Егó, на вся́ком мёсте влады́чества Егó./

**Бла́говослови́, душе́ моя́, Го́спода,/ и вся́ внúтренняя́ моя́/ и́мя свя́тое Егó.//**  
Бла́говослове́н еси́, Го́споди.

#### ЕКТЕНИ́Я МА́ЛАЯ:

**Диакон:** Па́ки и па́ки ми́ром Го́споду помóлимся.

**Хор:** Го́споди, поми́луй.

**Диакон:** Заступи́, спаси́, поми́луй и сохрани́ нас, Бо́же, Твое́ю благода́тию.

**Хор:** Го́споди, поми́луй.

**Диакон:** Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себé и друг дру́га, и весь живо́т наш Христу́ Бо́гу преда́дим.

**Хор:** Тебе́, Го́споди.

**Иерей:** Я́ко Твоя́ держа́ва, и Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и прýсно и во вéки веко́в.

**Хор:** Ами́нь.

#### ВТОРО́Й АНТИФОН, ПСАЛО́М 145:

**Хор:** Хвали́, душе́ моя́, Го́спода./ Восхва́лю Го́спода в живото́е моём,/ пою́ Бо́гу моему́, до́ндеже есмь́./ Не наде́йтесь на кня́зи, на сы́ны чело́веческия́,/ в ни́хже несть спа-се́ния./ Изы́дет дух егó/ и возврати́тся в зéмлю свою́./ В той день поги́бнут вся по-мышле́ния егó./ Блаже́н, ему́же Бог Иа́ковль Помо́щник егó,/ упова́ние егó на Го́спода Бо́га своегó,/ сотво́ршаго не́бо и зéмлю,/ мо́ре и вся, я́же в них,/ храня́щаго и́стину в век,/ твори́щаго суд оби́димым,/ даю́щаго пи́щу алчу́щим./ Го́сподь реши́т

окованныя./ Господь умудряет слепцы./ Господь возводит низверженные./ Господь любит праведники./ Господь хранит пришельцы,/ сира и вдову примет/ и путь грешных погубит./ Воцарится Господь во век, // Бог твой, Сионе, в род и род.

**Слава Отцу и Сыну и Святому Духу и ныне и присно и во веки веков. Аминь.**

**ЕДИНОРОДНЫЙ СЫНЕ:**

Единородный Сыне и Слове Божий, Безсмертен Сый/ и изболитый спасения нашего ради/ воплотится от Святыя Богородицы и Приснодевы Марии,/ непреложно вочеловечивыйся,/ распныйся же, Христе Боже, смертию смертью поправый,/ Един Сый Святыя Троицы, // прославляемый Отцу и Святому Духу, спаси нас.

**ЕКТЕНИЯ МАЛАЯ:**

**Диакон:** Паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко благ и человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

**ТРЕТИЙ АНТИФОН, БЛАЖЕННЫ:**

**Хор:** Во Царствии Твоём помяни нас, Господи, егда прийдеси, во Царствии Твоём.

**На 12:** Блажени нищии духом, яко тех есть Царство Небесное.

**Блажени плачущии, яко тии утешатся.**

**На 10:** Блажени кротци, яко тии наследят землю.

**Блажени алчущии и жаждущии правды, яко тии насытятся.**

**На 8:** Блажени милостивии, яко тии помиловани будут.

*Триоди, глас 4:*

**Ирмос:** Твоя песнопловцы, Богородице,/ Живый и Независтный Источниче,/ лик себе совокупльшия, духовно утверди,/ в Божественней Твоей славе // венцев славы сподоби.

**Блажени чистиим сердцем, яко тии Бога узрят.**

Клас прозябшая Божественный, яко нива неоранная яве,/ радуйся одушевленная трапезо, хлеб животный вмещающая. // Радуйся, животная воды источниче неистощаемый, Владычице.

**На 6:** Блажени миротворцы, яко тии сынове Божии нарекутся.

**Ю**нице Юнца рождающая непорочного, радуйся верным./ Радуйся Агнице, рождающая Божияго Агнца,/ вземлющего мира всего прегрешения.// Радуйся тёплое очистилище.

**Блажени изгнани правды ради, яко тех есть Царство Небесное.**

**У**тро светлейшее, радуйся/ едина Солнца носящая Христа, света жилище./ Радуйся, тьму разрушившая,// и мрачные бесы отнюд отгнавшая.

**На 4:** **Блажени есте, егда поносят вам, и изженут, и рекут всяк зол глагол на вы, лжуще Мене ради.**

**Ч**ертже Слова нескверный, вина всех обожения,/ радуйся Пречистая, пророков оглашение:// радуйся, апостолов удобрение.

**Радуйтесь и веселитесь, яко мзда ваша многа на Небесех.**

**О**т Тебе роса укану, пламень многобожия угасившая./ Тем вопием Ти:// радуйся, руну одушевленное, еже Гедеон, Дево, предвиде.

**Слава Отцу и Сыну и Святому Духу.**

**С**е Тебе [Дево] радуйся, зовем:/ пристанище нам буди влающимся,/ и отиши в пучине скорбей,// и соблазнов всех борителя.

**И ныне и присно и во веки веков. Аминь.**

**Р**адости вина, облагодати наш помысл, еже звати Тебе:/ радуйся неопалимая купино, облаче всесветлый,// верныя непрестанно осеняющий.

**МАЛЫЙ ВХОД (С ЕВАНГЕЛИЕМ):**

**Диакон:** Премудрость, прости.

**Хор:** Приидите, поклонимся и припадём ко Христу. Спаси ны, Сыне Божий, во святых дивен Сый, поющия Ти: аллилуиа.

**ТРОПАРИ И КОНДАКИ ПО ВХОДЕ:**

**ТРОПАРЬ ПРАЗДНИКА (Триоди), ГЛАС 8:**

**П**овеленное тайно прием в разуме,/ в крове Иосифове тщанием предста Безплотный, глаголя Неискусобрачней:/ приклонивый схождением Небеса вмещается неизменно весь в Тя,/ Егоже и видя в ложеснах Твоих приемша рабий зрак,/ ужасаюся звати Тебе:// радуйся, Невесто Невестная.

**Слава Отцу и Сыну и Святому Духу и ныне и присно и во веки веков. Аминь.**

**КОНДАК ПРАЗДНИКА (Триоди), ГЛАС 8:**

**В**збранной Воеводе победительная,/ яко избавльшися от злых,/ благодарственная восписуем Ти, раби Твои, Богородице,/ но, яко имущая державу непобедимую,/ от всяких нас бед свободи, да зовем Ти:// радуйся, Невесто Невестная.

**Диакон:** Гóсподу помóлимся.

**Хор:** Гóсподи, помíлуй.

**Иерей:** Я́ко Свят еси́, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно.

**Диакон:** Гóсподи, спаси́ благочестíвыя.

**Хор:** Гóсподи, спаси́ благочестíвыя.

**Диакон:** И услы́ши ны.

**Хор:** И услы́ши ны.

**Диакон:** И во ве́ки веко́в.

**Хор:** Ами́нь.

#### ТРИСВЯТО́Е:

**Хор:** Святы́й Бо́же, Святы́й Кре́пкий, Святы́й Безсме́ртный, помíлуй нас. *(Трижды)*  
Сла́ва Отцу́ и Сы́ну и Свято́му Ду́ху и ны́не и прíсно и во ве́ки веко́в. Ами́нь.  
Святы́й Безсме́ртный, помíлуй нас.

Святы́й Бо́же, Святы́й Кре́пкий, Святы́й Безсме́ртный, помíлуй нас.

**Диакон:** Во́ннем.

**Иерей:** Мир всем.

**Чтец:** И ду́хови тво́ему.

**Диакон:** Прему́дрость.

#### ПРОКÍМЕН, ГЛАС 3, ПЕСНЬ БОГОРО́ДИЦЫ:

**Чтец:** Прокíмен, глас тре́тий, песнь Богоро́дицы: Вели́чит душá Моя́ Гóспода, / и  
возра́довася дух Мой о Бо́зе Спа́се Мо́ем.

**Хор:** Вели́чит душá Моя́ Гóспода, / и возра́довася дух Мой о Бо́зе Спа́се Мо́ем.

**Чтец:** Я́ко призре́ на смире́ние Рабы́ Своея́, се бо, отны́не ублажа́т Мя вси ро́ди.

**Хор:** Вели́чит душá Моя́ Гóспода, / и возра́довася дух Мой о Бо́зе Спа́се Мо́ем.

**Чтец:** Вели́чит душá Моя́ Гóспода,

**Хор:** И возра́довася дух Мой о Бо́зе Спа́се Мо́ем.

#### ЧТÉНИЕ АПО́СТОЛА:

**Диакон:** Прему́дрость.

**Чтец:** Ко Евре́ем послáния свята́го Апо́стола Па́вла чтéние.

**Диакон:** Во́ннем.

#### ЧТÉНИЕ СУББО́ТЫ 5 СЕДМИ́ЦЫ ВЕЛИ́КОГО ПОСТА́ (Евр., зач.322: гл.9, стт.24-28):

**Чтец:** Бра́тие, не в рукотворéнная святáя вни́де Христóс, противообра́зная и́стинных, но в са́мое Не́бо, ны́не да яви́тся лицу́ Бо́жию о нас. Ни да мно́гажды прино́сит Себе́, я́коже первосвяще́нник вхо́дит во святáя [святы́х] по вся léта с крóвию чужде́ю. Поне́же подобáше бы Ему́ мно́жицею страда́ти от сло́жения ми́ра, ны́не же еди́ною в кончи́ну веко́в, во отметáние греха́,

жертвою Своею явися. И якоже лежит человеком единою умерети, потом же суд. Тако и Христос единою принесся, во еже вознести многих грехи, второе без греха явится, ждущим Его во спасение.

**ЧТЕНИЕ БОГОРОДИЦЫ (Евр., зач.320: гл.9, стт.1-7):**

Братие, имеваше первая скиния оправдания службы, святое же людское. Скиния бо сооружена бысть первая, в нейже светильник, и трапеза, и предложение хлебов, яже глаголется Святая. По второй же завесе скиния, глаголемая Святая святых. Злату имущи кадильницу, и ковчег завета окован всюду златом, в немже стагна злата имущая манну, и жезл Ааронов прозябший, и скрижали завета. Превышше же его Херувими славы, осеняющие олтарь: о нихже несть ныне глаголати подробно. Сим же тако устроенным, в первую убо скинию вину вхождаху священницы, службы совершающе. Во вторую же единою в лето один архиерей, не без крове, уже приносит за себе, и о людских невежествиих.

**Иерей:** Мир ти.

**Чтец:** И духови твоему.

**Диакон:** Премудрость.

**Аллилуарий Богородицы, глас 8:**

**Чтец:** Глас осмый: Аллилуиа, аллилуиа, аллилуиа.

**Хор:** Аллилуиа, аллилуиа, аллилуиа.

**Чтец:** Воскресни, Господи, в покой Твой, Ты и Кивот святыхни Твоея.

**Хор:** Аллилуиа, аллилуиа, аллилуиа.

**Чтец:** Помяни, Господи, Давида и всю кротость его .

**Хор:** Аллилуиа, аллилуиа, аллилуиа.

**Диакон:** Благослови, владыко, благовестителя святого Апостола и Евангелиста Марка.

**Иерей:** Бог, молитвами святого, славного, всехвального Апостола и Евангелиста Марка, да даст тебе глагол благовествующему силою многую, во исполнение Евангелия возлюбленного Сына Своего, Господа нашего Иисуса Христа.

**Диакон:** Аминь.

**Диакон:** Премудрость, прости, услышим святого Евангелия.

**Иерей:** Мир всем.

**Хор:** И духови твоему.

**Диакон:** От Марка святого Евангелия чтение.

**Хор:** Слава Тебе, Господи, слава Тебе.

**ЧТЕНИЕ ЕВАНГЕЛИЯ:**

**Диакон:** Вонмем.

**ЧТЕНИЕ СУББОТЫ 5 СЕДМИЦЫ ВЕЛИКОГО ПОСТА (Мк., зач.35: гл.8, стт.27-31):**

**Диакон:** Во время оно, изиде Иисус и ученицы Его в веси Кесарии Филипповы, и на пути вопрошаше ученики Своя, глаголя им: кого Мя глаголют человецы быти? Они же отвещаша: Иоанна Кре-

стителя, и инии Илию, друзии же единого от пророк. И Той глагола им: вы же кого Мя глаголете быти? Отвещав же Петр глагола Ему: Ты еси Христос. И запрети им, да никомуже глаголют о Нем. И начат учить их, яко подобает Сыну Человеческому много пострадати, и искушену быти от старец и архиерей и книжник, и убиену быти, и в третий день воскреснути.

**ЧТЕНИЕ БОГОРОДИЦЫ (Лк., зач.54: гл.10, стт.38-42, гл.11, стт.27-28):**

Во время оно, видя Иисус в весь некую: жена же некая именем Марфа прият Его в дом свой. И сестра ей бе нарицаемая Мария, яже и седши при ногу Иисусову, слышаше слово Его. Марфа же молвляше о мнозе службе, ставши же рече: Господи, не брежеш ли, яко сестра моя едину мя остави служити; рцы убо ей, да ми поможет. Отвещав же Иисус, рече ей: Марфо, Марфо, печешися и молвиши о мнозе. Едино же есть на потребу. Мария же благую часть избра, яже не отыметя от нея. Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. Он же рече: темже убо блажени слышавшии слово Божие, и хранящи е.

**Хор:** Слава Тебе, Господи, слава Тебе.

### ЕКТЕНИЯ СУГУБАЯ:

**Диакон:** Рцем вси от всея души, и от всего помышления нашего рцем.

**Хор:** Господи, помилуй.

**Диакон:** Господи Вседержителю, Боже отец наших, молим Ти ся, услыши и помилуй.

**Хор:** Господи, помилуй.

**Диакон:** Помилуй нас, Боже, по велицей милости Твоей, молим Ти ся, услыши и помилуй.

**Хор:** Господи, помилуй. *(Трижды, на каждое прошение)*

**Диакон:** Еще молимся о Великом Господине и Отце нашем Святейшем Патриархе Кирилле, и о Господине нашем Высокопреосвященнейшем митрополите **(или: архиепископе, или: Преосвященнейшем епископе) имярек**, и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о братьях наших, священниках, священномонахах, и всем во Христе братстве нашем.

Еще молимся о блаженных и приснопамятных создателях святого храма сего, и о всех преждепочивших отцах и братьях, zde лежащих и повсюду, православных.

#### **Прошения о Святой Руси:** <sup>1</sup>

Еще молимся Тебе, Господу и Спасителю нашему, о еже прияти молитвы нас недостойных рабов Твоих в сию годину испытания, пришедшую на Русь Святую, обышедше бо обыдоша ю врази, и о еже явити спасение Твое, рцем вси: Господи, услыши и помилуй.

Еще молимся о еже благосердием и милостию призрети на воинство и вся защитники Отечества нашего, и о еже утвердiti нас всех в вере, единомыслии, здравии и силе духа, рцем вси: Господи, услыши и милостивно помилуй.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродееющих во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

<sup>1</sup> *Прошения и молитва о Святой Руси размещены на сайте "Новые богослужебные тексты", предназначенном для оперативной электронной публикации новых богослужебных текстов, утверждаемых для общецерковного употребления Святейшим Патриархом и Священным Синодом: <http://nbt.rop.ru/?q=texts/chin/634>*

**Иерей:** Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

### МОЛИТВА О СЯТОЙ РУСИ: 1

**Диакон:** Господу помолимся.

**Хор:** Господи, помилуй.

**Иерей:** Господи Боже Сил, Боже спасения нашего, призри в милости на смиренных рабы Твоя, услыши и помилуй нас: се бо брани хотящи ополчишася на Святую Русь, чающе разделить и погубити единый народ ея. Востани, Боже, в помощь людем Твоим и подаждь нам силою Твоею победу.

Верным чадом Твоим, о единстве Русския Церкви ревнующим, поспешествуй, в духе братолюбия укрепи их и от бед избави. Запрети раздирающим во омрачении умов и ожесточении сердец ризу Твою, яже есть Церковь Живаго Бога, и замыслы их ниспровергни.

Благодатию Твоею власти предержащая ко всякому благу настави и мудростию обогати.

Воины и вся защитники Отечества нашего в заповедех Твоих утверди, крепость духа им низпосли, от смерти, ран и пленения сохрани.

Лишенные крова и в изгнании сущия в дома введи, алчущия напитай, [жаждущия напои], недугующия и страждущия укрепи и исцели, в смятении и печали сущим надежду благою и утешение подаждь.

Всем же во дни сия убиенным и от ран и болезней скончавшимся прощение грехов даруй и блаженное упокоение сотвори.

Исполни нас яже в Тя веры, надежды и любви, возстави паки во всех странах Святыя Руси мир и единомыслие, друг ко другу любовь obnovi в людех Твоих, яко да едиными усты и едином сердцем исповемся Тебе, Единому Богу в Троице славному. Ты бо еси заступление и победа и спасение уповающим на Тя и Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

### ЕКТЕНИЯ ОБ ОГЛАШЕННЫХ:

**Диакон:** Помолитесь, оглашенные, Господеву.

**Хор:** Господи, помилуй. *(На каждое прошение)*

**Диакон:** Вернии, о оглашенных помолимся, да Господь помилует их.

Огласит их словом истины.

Открыет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Боже, Твоею благодатию.

Оглашенные, главы ваша Господеву приклоните.

**Хор:** Тебе, Господи.

**Иерей:** Да и ти с нами славят пречестное и великолепое имя Твое, Отца и Сына и Святаго Духа, ныне и присно и во веки веков.

**Хор:** Аминь.

### ЕКТЕНИЯ ВЕРНЫХ, ПЕРВАЯ:

**Диакон:** Елицы оглашенные, изыдите, оглашенные, изыдите. Елицы, оглашенные, изыдите. Да никто от оглашенных, елицы вернии, паки и паки миром Господу помолимся.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Премудрость.

**Иерей:** Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

**Хор:** Аминь.

#### ЕКТЕНИЯ ВЕРНЫХ, ВТОРАЯ:

**Диакон:** Паки и паки, миром Господу помолимся.

**Хор:** Господи, помилуй. *(На каждое прошение)*

**Диакон:** О свѣшнем мире и спасѣнии душ наших, Господу помолимся.

О мире всего мира, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Премудрость.

**Иерей:** Яко да под державою Твоею всегда храними, Тебе славу возсылаем, Отцу и Сыну и Святому Духу, ныне и присно и во веки веков.

**Хор:** Аминь.

#### ХЕРУВИМСКАЯ ПЕСНЬ:

**Хор:** Иже Херувимы тайно образующе и животворящей Троице Трисвятую песнь припевающе, всякое ныне житейское отложим попечение.

#### ВЕЛИКИЙ ВХОД:

**Диакон:** Великаго господина и отца нашего Кирилла, Святейшаго Патриарха Московскаго и всея Руси, и господина нашего Преосвященнейшаго **(или: Высокопреосвященнейшего) имярэк**, епископа **(или: митрополита, или: архиепископа) титул его**, да помянет Господь Бог во Царствии Своём всегда, ныне и присно, и во веки веков.

**Иерей:** Преосвященныя митрополиты, архиепископы и епископы, и весь священнический и монашеский чин, и причет церковный, братию святого храма сего, всех вас, православных христиан, да помянет Господь Бог во Царствии Своём, всегда, ныне и присно, и во веки веков.

**Хор:** Аминь. Яко да Царя всех подыдем, ангельскими невидимо дориносима чинми. Аллилуиа, аллилуиа, аллилуиа.

#### ЕКТЕНИЯ ПРОСИТЕЛЬНАЯ:

**Диакон:** Исполним молитву нашу Господеву.

**Хор:** Господи, помилуй. *(На каждое прошение)*

**Диакон:** О предложенных Честных Дарех, Господу помолимся.

О святем храме сем, и с верою, благоговением и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Дне всего совершенна, свята, мирна и безгрешна у Господа просим.

**Хор:** Подай, Господи. *(На каждое прошение)*

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе, и друг друга, и весь живот наш Христу Богу предадим.

**Хор:** Тебѣ, Господи.

**Иерей:** Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Возлюбим друг друга, да единомыслием исповемы.

**Хор:** Отца, и Сына, и Святаго Духа, / Троицу Единосущную / и Нераздельную.

**Диакон:** Двери, двери, премудростию вонмем.

#### СИМВОЛ ВЕРЫ:

**Люди:** Верую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единороднаго, Иже от Отца рожденнаго прежде всех век. Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

#### ЕВХАРИСТИЧЕСКИЙ КАНОН:

**Диакон:** Станем добре, станем со страхом, вонмем, святое возношение в мире приносити.

**Хор:** Милость мира, / жертву хваления.

**Иерей:** Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

**Хор:** И со духом твоим.

**Иерей:** Горé имéим сердца.

**Хор:** И мамы ко Господу.

**Иерей:** Благодарим Господа.

**Хор:** Достойно и праведно есть / поклоняться Отцу и Сыну, и Святому Духу, // Троице Единосущней и Нераздельней.

**Иерей:** Победную песнь поюще, вопиюще, взывающе и глаголюще.

**Хор:** Свят, свят, свят Господь Саваоф, / исполнь небо и земля славы Твоея; / осанна в вышних, / благословен Грядый во имя Господне, // осанна в вышних.

**Иерей:** Примите, ядите, сие есть Тело Моё, еже за вы ломимое во оставление грехов.

**Хор:** Аминь.

**Иерей:** Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

**Хор:** Аминь.

**Иерей:** Твоя от Твоих Тебе приносяще, о всех и за вся.

**Хор:** Тебе поём, / Тебе благословим, / Тебе благодарим, Господи, // и молим Ти ся, Боже наш.

**Иерей:** Изрядно о Пресвятей, Пречистой, Преблагословенней, Славней Владычице нашей Богородице и Приснодеве Марии.

#### ДОСТОЙНО ЕСТЬ:

**Хор:** Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

**Иерей:** В первых помяни, Господи, великаго господина и отца нашего Кирилла, Святейшаго Патриарха Московскаго и всея Руси, и господина нашего Преосвященнейшаго (или: Высокопреосвященнейшего) **имярек**, епископа (или: митрополита, или: архиепископа) **титул его**, ихже даруй святым Твоим церквам, в мире, целых, честных, здравых, долгоденствующих, право правящих слово Твоея истины.

**Хор:** И всех, и вся.

**Иерей:** И даждь нам едиными усты и едином сердцем славити и воспевати пречестное и великолепное имя Твое, Отца, и Сына, и Святаго Духа, ныне и присно, и во веки веков.

**Хор:** Аминь.

**Иерей:** И да будут милости великаго Бога и Спаса нашего Иисуса Христа со всеми вами.

**Хор:** И со духом твоим.

#### ЕКТЕНИЯ ПРОСИТЕЛЬНАЯ:

**Диакон:** Вся святыя помянувше, паки и паки миром Господу помолимся.

**Хор:** Господи, помилуй. *(На каждое прошение)*

**Диакон:** О принесенных и освященных Честных Дарех, Господу помолимся.

Яко да человеколюбец Бог наш, прием я во святей и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

**О** избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** Дне всего совершенна, свята, мирна и безгрешна у Господа просим.

**Хор:** Подай, Господи. *(На каждое прошение)*

**Диакон:** Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго ответа на Страшнем Судищи Христове просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

**Хор:** Тебе, Господи.

**Иерей:** И сподоби нас, Владыко, со дерзновением, неосужденно смети призывать Тебе, Небеснаго Бога Отца, и глаголати:

#### МОЛИТВА ГОСПОДНЯ:

**Люди:** Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

**Иерей:** Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

**Хор:** Аминь.

**Иерей:** Мир всем.

**Хор:** И духови твоему.

**Диакон:** Главы ваша Господеви приклоните.

**Хор:** Тебе, Господи.

**Иерей:** Благодатью, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

**Хор:** Аминь.

**Диакон:** Вонмем.

**Иерей:** Святая святым.

**Хор:** Един свят, / един Господь, / Иисус Христос, / во славу Бога Отца. / Аминь.

#### ПРИЧАСТЕН БОГОРОДИЦЫ:

**Хор:** Чащу спасения приму, / и имя Господне призову.

Аллилуиа, аллилуиа, аллилуиа.

### ПРИЧАСТИЕ:

**Диакон:** Со страхом Божиим и верою приступите.

**Хор:** Благословен Грядый во имя Господне, Бог Господь и явися нам.

**Иерей:** Верую, Господи, и исповедую, яко Ты еси воистинну Христос, Сын Бога живаго, причесдый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. **Аминь.**

Вечери Твоея тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или во осуждение будет мне причащение Святых Твоих Таин, Господи, но во исцеление души и тела.

*Во время Причащения людей:*

**Хор:** Тело Христово примите, Источника безсмертнаго вкусите.

*После Причащения людей:*

**Хор:** Аллилуиа, аллилуиа, аллилуиа.

**Иерей:** Спаси, Боже, люди Твоя, и благослови достояние Твое.

**Хор:** Видехом свет истинный, / прияхом Духа Небеснаго, / обретохом веру истинную, / нераздельней Троице поклоняемся, // Та бо нас спасла есть.

**Иерей:** Всегда, ныне и присно, и во веки веков.

**Хор:** Аминь. Да исполнятся уста наша / хваления Твоего Господи, / яко да поем славу Твою, / яко сподобил еси нас причаститься / Святым Твоим, Божественным, безсмертным и животворящим Тайнам, / соблюди нас во Твоей святыни / весь день поучатися правде Твоей. // Аллилуиа, аллилуиа, аллилуиа.

### ЕКТЕНИЙ ЗАКЛЮЧИТЕЛЬНАЯ:

**Диакон:** Прости приемше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

**Хор:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатью.

**Хор:** Господи, помилуй.

**Диакон:** День весь совершен, свят, мирен и безгрешен испросивше, сами себе и друг друга, и весь живот наш Христу Богу предадим.

**Хор:** Тебе, Господи.

**Иерей:** Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Хор:** Аминь.

**Иерей:** С миром изыдем.

**Хор:** О имени Господни.

**Диакон:** Господу помóлимся.

**Хор:** Господи, помíлуй.

### ЗААМВОННАЯ МОЛÍТВА:

**Иерей:** Благословляяй благословящия Тя, Господи, и освящаяй на Тя уповающия, спаси люди Твоя и благослови достойние Твое, исполнение Церкви Твоей сохрани, освяти любящия благолепие дому Твоего: Ты тех возпрослави Божественною Твоею силою, и не остави нас, уповающих на Тя. Мир миру Твоему даруй, церквам Твоим, священником, воинству и всем людям Твоим. Яко всякое даение благо и всяк дар совершен свыше есть, сходяй от Тебе Отца светов, и Тебе славу и благодарение и поклонение возсылаем, Отцу и Сыну и Святому Духу, ныне и присно и во веки веков.

**Хор:** Аминь. Буди Имя Господне благословено от ныне и до века. *(Трижды)*

### ПСАЛОМ 33:

**Хор:** Благословлю Господа на всякое время,/ вину хвалу Его во устех моих./ О Господе похвалится душа моя,/ да услышат кротции, и возвеселятся./ Возвеличите Господа со мною,/ и вознесем Имя Его вкупе./ Взысках Господа, и услыша мя,/ и от всех скорбей моих избави мя./ Приступите к Немю, и просветитесь,/ и лица ваша не постыдятся./ Сей нищий воззва, и Господь услыша и,/ и от всех скорбей его спасе и./ Ополчится Ангел Господень окрест боящихся Его,/ и избавит их./ Вкусите и видите, яко благ Господь:/ блажен муж, иже уповает на Нь./ Бойтесь Господа, вси святии Его,/ яко несть лишения боящимся Его./ Богатии обнищаша и взалкаша:/ взыскающие же Господа не лишатся всякаго блага./ Приидите, чада, послушайте мене,/ страху Господню научу вас./ Кто есть человек хотяй живёт,/ любяй дни видети блага?/ Удержи язык твой от зла,/ и устне твой, еже не глаголати лести./ Уклонися от зла и сотвори благо./ Взыщи мира, и поженй и./ Очи Господни на праведныя,/ и уши Его в молитву их./ Лице же Господне на творящия злая,/ еже потребити от земли память их./ Возваша праведнии, и Господь услыша их,/ и от всех скорбей их избави их./ Близ Господь сокрушенных сердцем,/ и смиренныя духом спасет./ Многи скорби праведным,/ и от всех их избавит я Господь./ Хранит Господь вся кости их,/ ни едина от них сокрушится./ Смерть грешников лютая,/ и ненавидящии праведнаго прегрешат./ Избавит Господь души раб Своих,/ и не прегрешат// вси, уповающие на Него.

**Иерей:** Благословение Господне на вас, Того благодатию и человеколюбием, всегда, ныне и присно, и во веки веков.

**Хор:** Аминь.

**Иерей:** Слава Тебе, Христе Боже, упование наше, слава Тебе.

**Хор:** Слава Отцу и Сыну и Святому Духу и ныне и присно и во веки веков.  
Аминь. Господи, помилуй. *(Трижды)* **Благослови.**

**ОТПУСТ:**

**Иерей:** Христос, Истинный Бог наш, молитвами Пречистой Своей Матере...

**МНОГОЛÉTИЕ:**

**Хор:** Великаго Господина и Отца нашего Кирилла, / Святэйшаго Патриарха Московскаго и всея Руси, / и Господина нашего Преосвященнейшаго **(или: Высокопреосвященнейшаго) имярек,** / епископа **(или: митрополита, или: архиепископа) титул его,** / богохранимую страну нашу Российскую, / настоятеля, братию и прихожан святáго храма сего / и вся православныя христианы, // Господи, сохрани их на многая лета.